

世

本(兩種)







世 本

宋 馮 孫  
注 衷 集  
翼 馮 孫

編主五雲王  
編初成集書叢

本 世  
(種 二)

中華民國二十六年十二月初版

發行人

王雲五  
長沙南正路

印刷所

商務印書館  
長沙南正路

發行所

商務印書館  
各埠

# 重集世本序

世本者古史官所記爲十五篇見藝文志以爲記黃帝以來訖春秋時蓋周末史氏所爲也顏之推據皇甫謐謂左邱明所書謠言多不足信此又誤讀班彪傳之文按彪傳言左邱明作左氏傳三十篇又撰異同號曰國語二十篇下云又有記錄黃帝已來至春秋時帝王公侯卿大夫號曰世本一十五篇稱又有者別有人撰此書不必左氏若彪以爲左氏撰其子固作藝文志何云古史官乎其書十五篇卽太史公所採故漢書司馬遷傳贊以爲遷采世本班彪以爲遷刪世本者也後漢綏和元年以世本相明詔封孔子世爲殷紹嘉公見梅福傳劉向敍錄中祕書以十五篇爲二卷故隋經籍志世本二卷劉向撰撰之云撰集古書非如後世之作而不述也隋志又有世本四卷宋衷撰衷蓋注而廣之唐藝文志稱宋衷注世本四卷詩正義引宋仲子注卽衷字也又有世本別錄及宋均注世本七卷王氏注世本譜二卷俱見唐志春秋左氏正義云今之世本與司馬遷言不同劉恕通鑑外紀以爲世本經秦歷漢儒者改易是此諸本已晉時杜預采以爲春秋世族譜然預旁引傳記不盡依世本其時尙有荀卿撰春秋公子血脈譜据玉海引中興書目以爲秦譜下及項滅子嬰之際非荀卿作云云蓋不及世本之可信今考杜注不從世本艾獵爲孫叔敖之兄之言或別有所据亦無書以是正之矣世本之亡當在宋世崇文總目載氏族類諸書始自姓苑宋藝文亦然俱不載世本則鄭樵撰氏族略王應麟撰姓氏急就章所引世本皆採獲他

處不見原書明矣。古書至南宋亡佚最多。況氏族之書。尤爲下品。寒門所嫉妒。若今風俗通。獨闕氏族一篇。姓苑。姓纂。諸書皆無完本。此其明驗。永樂大典爲姚廣孝諸臣奉勅撰集。所錄古書皆金人俘獲北宋內府圖籍。疑尙有世本遺文。曩官翰林曾見其書。未及採錄。吾友錢徵士大昭嘗據書傳所引集爲作篇。居篇。姓氏篇。王侯大夫譜篇。共四篇。服其勤博。何文學元錫手錄示予。攜歸金陵。適家郎中馮翼篤嗜古書。亦爲此學。旣得錢本。復据諸書補其未備。校訂付刊。時歙人洪部曹瑩亦補校元和姓纂。洪太守梧先刊古今姓氏辨證書。三書相輔而行。譜系之學庶幾墜緒復續。更望來者之補其缺略云爾。嘉慶七年重九後六日陽湖孫星衍撰。

# 世本攷證

周禮瞽矇誦詩。世奠繫。注。故書奠。或爲帝。杜子春云。帝讀爲定。其字爲奠。書亦或爲奠。世奠繫。謂帝繫諸侯。卿大夫。世本之屬是也。小史。主次序先王之世。昭穆之繫。述其德行。瞽矇主誦詩。并誦世繫。以戒勸人君也。故國語曰。教之世而爲之。昭明德而廢幽昏焉。以怵懼其動。元謂世之而定其繫。謂書于世本也。疏。子春解世繫。帝繫。據王卽經繫也。諸侯。卿大夫。謂之世本。卽經世也。云。小史主次序先王之世。昭穆之繫者。小史職。云。奠繫世。辨昭穆。故知小史次序之。小史掌邦國之志。奠繫世。辨昭穆。鄭司農云。繫世。謂帝繫世本之屬是也。云。述其德行者。取義于國語。云。爲之昭明德是也。子春之意。與先鄭同。爲諫諍之事。後鄭亦不從也。國語者。按楚語云。莊王使士亶傅太子箴辭。王卒。使傅之問于申叔時。申叔時曰。教之春秋。而爲之。養善而抑惡焉。以戒勸之。教之世。而爲之。昭明德而廢幽昏焉。以怵懼其動。注云。先王之繫世本。使知有德者長。無德者短。子春引之者。證帝繫世本之事。後鄭云。世之而定其繫。謂書于世本。以世與繫爲一事解之。又對文言之。王謂之帝繫。諸侯卿大夫謂之世本。散則通。故云。書於世本。世本卽帝王繫也。

王應麟漢志考證曰。世本十五篇。周官瞽矇世奠繫。註。謂世之而定其繫。謂書于世本也。國語曰。教之世以怵懼其動。小史定繫世。辨昭穆。註。謂

帝繫世本之屬。天子曰帝系。諸侯曰世本。司馬遷傳贊。世本錄黃帝以來。至春秋時。帝王公侯卿大夫祖世所出。司馬遷采世本。劉

向曰。世本古史官明于古事者。所記錄黃帝以來帝王諸侯及卿大夫系謚名號。凡十五篇。隋志。世本王侯大夫譜二卷。又世本二卷。劉向撰。又四卷。宋衷撰。又漢初得世本。敘黃帝以來祖世所出。春秋正義云。今之世本與司馬遷言不同。世本多誤不依憑。顏之推曰。世本左邱明所書。此說出皇甫謐帝王世紀。而有燕王喜漢高

祖。非本文也。

項氏曰。古者立氏。必告于太史。春秋之末。知果別族于太史。爲輔氏。後世史職既衰。宗法又亡。鄭氏曰。三代之前。姓氏分而爲二。男子稱氏。婦人稱姓。三代之後。姓氏合而爲一。

顏氏家訓書證篇云。世本左邱明所書。

自註云。此說出皇甫謐帝王世紀。

而有燕王喜漢高祖。

文選趙充國頌注。引世本注云。鬼方於漢。則先零戎是也。



# 世本

清漢 宋 承德孫馮翼集 衷注

作篇。明堂位正義曰。世本書名。有作篇。其篇記諸作事。

巫咸作筮。周禮龜人初學記二十。 倕作鐘。初學記十六。通志樂略引世本作垂。黃帝工人三條見風俗通。無作毋。

無句作磬。女媧作笙簧。宋衷曰。女媧。黃帝臣。文選長笛賦。又御覽。

五百八十一。明堂位注。風俗通。通志樂略引云。磬。叔所造。不知何代人。又曰。無句作磬。

容成作歷。大撓作甲子。注云。皆黃帝史官。春秋序正義。舜典疏。上句御覽十六。

簫舜所造。通志略。

逢蒙作射。藝文類聚。

杼作甲。注云。少康子。名杼也。甲。鎧也。墨子同。御覽三百五十三。又三百五十五。又初學記二十二。

垂作銚。注云銚，刈也。臣工疏。御覽八百二十四作倮。垂作耨。左氏傳三十三年。

黃帝作冕旒。士冠禮。宋仲子云冕冠之有旒者。注見左氏桓二年疏。

蒼頡作書。尚書序正義。蒼頡作文字。注云蒼頡，黃帝之史。周禮外史疏。沮誦蒼頡作書。宋衷注曰：沮誦，蒼頡，黃帝之史。廣韻。又御覽二百二十五。

帝女儀狄作酒醪變五味。注云夏禹之臣。御覽八百四十三。又初學記二十六。杜康作酒。並酒誥正義。少康作秣酒。御覽八百四十三。初學記二十六。

巫彭作醫。山海經注。

隋作笙。藝文類聚四十四。通志略引作笙條。有未知其何代人也。一句。宓義作瑟。神農作琴。風俗通。通志略。又初學記十六。隨作竽。廣韻。文選注。又御覽五百八十一。

夷作鼓。通典。通志略。作鼓條又見。

揮作弓。夷牟作矢。注云揮，夷牟，黃帝臣二句。又初學記二十二。事類賦注十三。射義疏。上句又見御覽三百四十七。下句見三百四十八。二句見藝文類聚六十。

堯使禹作宮室。又御覽一百七十三。又初學記二十四。

雍父作春。少康作箕帚。此句又見御覽七百六十五。

胡曹作衣。又路史圖名紀卷六。

黃帝作

旂。蚩尤以金作兵器。此句又御覽二百七十一注。蚩尤神農臣也。胙作服牛。注云黃帝臣又云少昊時人始駕牛。此句又見御覽八百九十九。又初學記二十九。共鼓貨狄作舟。

注云二人並黃帝臣。廣韻。藝文類聚七十一。又見初學記二十五。事類賦注十六。相土作乘馬。楊倞句。子注。烏曹作博。文選博奕論。奚仲作車。山海經注。又御覽七百七十三。

胡曹作冕。注云胡曹黃帝臣。昭二十四年。緜作城郭。祭法。隸首作數。注云隸首黃帝史也。文選西京賦注。公輸作石磴。後漢張衡傳注。韓哀侯作御。文選

聖主得賢臣頌。漢書注無侯字。宋衷曰韓哀韓文侯也。時已有御。此復言作者加其精巧也。漢書注。

史皇作圖。宋衷曰史皇黃帝臣也。圖謂畫物象也。宣貴妃誅又御覽七百五十。伯余作衣裳。宋衷曰黃帝臣也。

后益作占歲。御覽十七。

伯夷作井。又御覽一百八十九。初學記六。伯益又云亦云黃帝見百物始穿井。

黃帝作旃冕。宋均曰通帛爲旃。冕冠之有旃。應邵曰周始垂旒也。御覽三百四十。又六百八十六。

秦穆公作沐。御覽三百九十五。

武王作翬。御覽五十二 事類賦十四 初學記二十四

蘇成公造篪吹孔有嘴如酸棗。蘇成公平王時諸侯。原案下二句疑是宋仲風俗通聲音卷子注文。詩何人斯疏。御覽五百八十

墳暴辛公所造亦不知何人。通志樂略引此二句周畿內有暴國之君。豈其時人也。本作壘。音許圍五寸長三寸半。

六寸。宋均注曰。暴國公平王時諸侯。暴辛公燒土爲之。風俗通聲音卷。詩何人斯疏。文選長笛賦注。御覽五百八十一於則作履。注於則。黃

帝臣。草曰履。麻曰履也。御覽六百九十七紂爲王床。又七百單六

咎繇作耒耜。又八百二十三

芒作網。宋衷注。芒庖犧臣。又八百三十四

宿沙作煮鹽。宋衷曰。宿沙齊靈公臣。齊濱海。故以爲魚鹽之利。又八百六十五

蓬蒙作射。藝文類聚七十四

夔作樂。初學記十五。

祝融作市。初學記二十四。又引注云。祝融作市。

黃帝之世。始立史官。蒼頡沮誦。是其職矣。初學記二十一。

### 居篇

契居番。王應麟通鑑地理通釋。

懿王居犬邱。又詩譜正義引作懿王徙于犬邱。

昭明居砥石。書序。

楚鬻熊居丹陽。武王徙郢。宋仲子云。丹陽。南郡枝江縣。左氏桓二年。

邾顏居邾。肥徒郟。宋仲子云。邾顏別封小子肥。爲郟。爲小邾子。莊五年。

世本

魏悼子徙霍。

昭子徙安邑。

史記索隱。

魏武子居欒。魏悼子徙霍。宋衷曰：霍，地名。今河東疏縣也。

魏世家索隱。

鄭桓公封械林。

昭十六年。

齊景公亡滕。

隱六年。

涿鹿在彭城。

王應麟通鑑地理通釋。

武王在鄂鄙。

文選西都賦注。

西周桓公名揭。居河南。東周惠公名班。居洛陽。

戰國策注。

禹都陽城。

地理志。潁川郡。

唐叔虞居鄂。

朱衷曰：鄂地。今在大夏。夏氏左專甫主。

吳孰姑徙勾吳。注云：孰姑，壽夢也。勾吳，太伯始所居地名。魏都賦注。

曹衛戴公居。路史國名紀。

楚子熊渠封仲子紅鄂。寰宇記一百十二兩引。

懿王居犬邱。厲王淫亂于菑。今河東永安是也。平王卽位，徙居洛誥，所謂新邑也。國語曰：幽王滅，周乃東遷。本殷之畿內，有禹貢豫州之域，河洛澶澗之間。周于南柳七星張之分，鶉火之次也。乃敬王避子朝之亂，東居成周。故春秋經曰：天王入于成周是也。後六年，王室定，遂徙成周。是後晉又率諸侯之徒修吾其城，以成周城小不受王都，故壞翟泉而廣爲翟泉地，在成周東北。今洛城中有周王家是也。至赧王又徙居成周而失位。御覽一百五十五下三段同。疑有譌字，且疑非世本文。

秦非子始封于秦。故秦本紀稱周孝王曰：朕分之土邑。秦本隴西秦定谷是也。元孫莊公徙廢邱。周懿王之所都。今槐里是也。及襄公始受酆之地，列爲諸侯。文王徙汧，故秦本紀曰：公事獵至汧，乃卜居之。今扶風郿縣是也。寧公又都平陽，故秦紀曰：寧公二年徙居平陽。今扶風郿縣之平陽亭是也。至獻公卽位，徙

治櫟陽。今馮翊萬年是也。孝公自櫟陽徙咸陽。秦本紀曰：作爲咸陽，築冀，冀聞徙之。及漢元曰更名新城，屬扶風。後并于長安。故太史公傳曰：長安故咸陽也。元鼎三年，復別謂渭城。今長安西北渭水陽有故城。故西京賦曰：秦里其朔，是爲咸陽是也。同上漢高帝元年，始爲漢王都南鄭，屬漢中。秦屬公所署。在禹貢梁州之域。北遠雍，南跨巴蜀，與秦同分。元年北徙櫟陽，故秦獻公之所居。後居萬年，故屬馮翊。今京兆縣也。郡長安，秦咸陽之地。今京兆所治縣也。其城狹小。至惠帝元年，始更築廣。五年乃成。光武以武侯信進封蕭王，在禹貢徐州之域。於周以封子信之別附庸。事在春秋。於漢屬豫州。今沛國蕭是也。及卽位於鄗，更名高邑。建武元年，始都洛陽。故成周之舊基。東西六里一十步，南北九里一百步。是以時人謂洛陽爲東京。長安爲西京。同上

魏武爲魏公都鄴。今魏郡。是後文帝因漢之舊，復都洛。隱以譙爲先人本國。許昌爲漢之所居。長安爲西京之遺迹。鄴爲王業之本基。與洛陽凡五處。故號曰五都。同上



豕韋防姓。路史國名記卷四。

芮姬姓。書序。

息姬姓。左氏隱十四年。

魏姬姓。桓三年。

隨姬姓。桓六年。又襄字記一百四十四。

荀賈皆姬姓。桓九年。

鮮虞姬姓。白狄

也。穀梁昭十二年。

夷妘姓。左氏隱元年。

偃陽妘姓。祝融之孫。陸終第四子求言之後。襄十年。

邴妘姓。昭十年。

莒已姓。左氏隱二年。

已姓。出自少皞。昭十七年。

向姜姓。左氏隱二年。

州姜姓。桓五年。

齊姜姓。襄十一年。

燕姑姓。左氏隱五年。

帝舜姚姓。左氏隱八年。

任姓。謝、章、薛、舒、呂、祝、終、泉、畢、過。十國。左氏隱十一年。

鄭曼姓。莊十六年。楚文王滅之。桓七年。

世本

羅熊姓。桓十年。

黃嬴姓。莊十九年。徐奄皆嬴姓。昭元年。

偃姓。舒庸、舒蓼、舒鳩、舒龍、舒龔。文十二年。

晉魯衛鄭曹滕姬姓。襄十一年。畢毛皆姬姓。顧命正義。密姬姓。漢書地理志河南密縣注。

邾小邾曹姓。又

宋子姓。又子姓。般、時、來、宋、空、同、黎、比、髦、目夷、蕭。隱元年。

莒已姓。又自紀公以下為已姓。莒隱二年。

杞妘姓。又斟灌、斟尋、夏同姓諸侯。襄四年。彤、妘姓。顧命正義。有扈與夏同姓。甘誓正義。

薛任姓。又夏奚仲封薛。周有薛侯。其後為氏。姓氏急就章。

參姓。祝融之後。廣韻融姓。古天子祝融之後。又

鍾離氏。與嬴氏同祖。又 公紀氏。又 太公穎叔。又 西鄉錯。又

廩君名務。相姓巴。與樊氏、暉氏、相氏、鄭氏、凡五姓俱出。皆爭神。以土爲船。雕文畫之。而浮水中。其船浮。因立爲君。他船不能浮。獨廩君船浮。因立爲君。御覽三十七

胡子國。歸姓。路史國名紀卷六

辛。姒姓。夏禹之後。寰宇記二十八

陸終娶於鬼方氏之妹。謂之女嬪。音嗣生六子。孕而不育。三年。啓其右脅。三人出焉。啓其左脅。三人出焉。又三

百七十一

曾氏。夏少康封其少子曲烈於郟。襄六年。莒滅之。郟太子巫仕魯。去邑爲曾氏。又

舒蓼氏。舒蓼。偃姓。皐陶之後。楚東境小國也。通志氏族略

舒鮑氏。舒鮑偃姓國也。又

密須氏。商時媯姓之國。又

有熊氏之後。爲詹葛氏。又

昆吾。古已姓之國。夏時諸侯伯祝融之後。又

馮歸姓。鄭大夫馮簡子之後。又

鍾離氏。與秦同祖。嬴姓。又

狐邱氏。晉大夫狐邱林之後。又

廩邱氏。齊大夫廩邱子之後。又

東鄉氏。宋大夫東鄉爲人之後。又

空同氏。子姓。又

邾州氏。晉邾豹孫步楊生邾州。因氏焉。又

少施氏。魯惠公子施父之後。又

季桓子生穆叔。其後爲子楊氏。又

子革氏。宋司城子革之後。又

季平子支子。亦爲子革氏。又

子乾氏。齊公子都字子乾之後。又

子工氏。齊頃公之子。公子子之後。又

子泉氏。齊頃公之子。公子湫字子泉之後。又

子獻氏。陳桓公孫。子獻之後。又

子占氏。陳桓子生書字子占之後。又

子尙氏。陳僖公生廩邱子尙意茲。因氏焉。又

老童娶根水氏。又

囂氏。元囂之後。又

參氏。董姓。陸終第二子參胡。又

季隨氏。周八士季隨之後。又

述氏。魯大夫仲述之後。又

季嬰氏。晉樓季嬰之後。又

季夙公。晉靖侯孫。季夙之後。又

大狐氏。晉大夫狐伯生突生饒。爲大狐氏。其後大狐容爲晉大夫。又

大戊氏。晉公子太戊教昭爲原大夫。又

去疾氏。鄭穆公子去疾之後。去疾字子良。又有良氏。取以別族。

疆梁氏。衛將軍文子生慎子。會疆梁。因氏焉。又

楚季氏。楚若敖生楚季。因氏焉。陳大夫有楚季融。又

季融氏。楚鬬廉生季融。子孫氏焉。又

季老氏。宋華氏。有華季老子孫氏焉。又

泥氏。宋大夫卑泥之後。又

鼓方氏。鼓方叔之後。又

韓餘子。韓宣餘子之後。因氏焉。又

榦獻氏。宋司徒華定爲榦獻氏。又

右史氏。古者右史記事。周有右史武。又

司寇氏。衛靈公之子。公子郢之後也。又

司功氏。晉大夫司功景子。士丐弟他。因官氏。又

將軍氏。衛靈公子昭生子郢。生文子才芳。爲將軍氏。又

右師氏。宋莊公生公子申。世爲右師氏。又

齊季氏。魯有大夫齊季窺。又

伍參氏。楚伍參之後。支孫以爲氏。又

伯宗氏。晉孫伯起生伯宗。因氏焉。又

鬪班氏。芊姓。鬪疆生班。因氏焉。又

鬪疆氏。芊姓。若敖生鬪疆。因氏焉。又

韓言氏。姬姓。晉韓厥生無忌。無忌生襄。襄生子魚。爲韓言氏。又

史晁氏。衛史晁之後。又

恆氏。楚大夫恆思公之後。又

甫爽氏。宋大夫甫爽之後。又

過氏。任姓。夏諸侯後爲氏。姓氏急就章

舒鮑。偃姓國。又云。舒任姓。又

呂任姓。又

時子姓。又

泉任姓。又

賜氏。齊大夫簡子賜之後。又

黎氏。黎侯國之後。又



廩君。姓已氏。又

融氏。祝融之後。又復姓。融夷氏。祝融後。董父之允。以融夷爲氏。男氏。作南。又

子姓。有蕭氏。又

菱氏。晉大夫菱氏僖子。又

畢。任姓。又

謝。任姓。黃帝之後。又

祝。任姓。又

它氏。楚平王孫有田公它成。豈同族乎。又

費氏。作弗。又

墨夷氏。宋襄公子墨夷須爲大司馬。其後有墨夷皐。又

太公叔穎。又

終氏。任姓。又

髦氏子姓又

王侯大夫譜隋經籍志世本王侯大夫譜二卷

湯名天乙堯典疏以爲王侯世本

伏犧制以儷皮嫁娶之禮月令疏

成王生康王康王生昭王昭王生穆王穆王生恭王恭王生懿王及孝王懿王崩弟孝王立孝王崩懿王

太子燮立是爲夷王詩民勞疏引以爲孝王生夷王夷王生厲王禮記郊特性及詩民勞正義

平王生桓王林桓王生莊王佗莊王生僖王胡齊胡齊生惠王涼惠王生襄王鄭襄王生頃王巨頃王生

匡王班及定王瑜定王生簡王夷簡王生靈王泄心靈王生景王貴景王生悼王猛及敬王匄昭二十六年敬

王崩貞王介立貞王崩元王赤立宋衷注引太史公書云元王仁生貞王介與世本不相應不知誰是哀十九年

帝嚳卜其四妃四妃之子皆有天下元妃有郃氏之女曰姜嫄是生后稷次妃有娥氏之女曰簡狄而生

而生御覽。契次妃。御覽作次妃。曰陳妃。是。是。作是產。生后稷。歐引作陳鄴。餘同。陳鋒氏之女曰慶都。生帝堯。次妃姬訾氏之女曰常儀。生摯。生民詩正義引大戴

禮云云。又御覽一百三十五。藝文類聚十五。以爲家語世本。其文亦然。

黃帝生元囂。元囂生僑極。僑極生帝嚳。帝嚳生堯。堯典疏。

顓頊娶於滕瑣氏。謂之女祿。產老童。老童娶於根水氏。謂之驕福。產重及黎。黃帝娶于西陵之子。謂之累祖。產青陽及昌意。昌意生顓頊。顓頊生鯀。顓頊母獨山氏之青陽。卽少皞。黃帝之子。代黃帝而有

天下。號曰金天氏。昭十七年。

炎帝。卽神農氏。又帝堯爲陶唐氏。五子之歌。

昆吾者。衛是也。又

太甲。太丁子。伊訓。太甲崩。子沃丁立。書序。盤庚崩。弟小辛立。崩。弟小乙立。崩。子武丁立。又

契生昭明。昭明生相土。相土生昌若。昌若生曹圉。曹圉生根國。根國生冥。祭法。

亞圍雲生太公組紺諸鯨。中庸。

以黃帝爲五帝。書序。

堯是黃帝元孫。舜是黃帝八代孫。堯典。

啓禹子。益稷。

陸終娶於鬼方氏之妹。謂之女嬪。是生六子。孕三年。啓其左脅。三人出焉。破其右脅。三人出焉。其四曰求

言。是謂之鄩。鄩人者。鄭是也。水經注。涑水。宋衷曰。求言名也。妘姓所出鄩國也。見詩古義。

舜時。西王母獻白環及珮。文選景福殿賦注。藝文類聚六十七。珮作玦。

顓頊生髡。髡生高密。是爲禹。玉篇七案。髡俗字。

顓頊娶于勝瀆氏。宋衷注。曰國名。之子。謂女祿。是生老童。帝系云勝奔氏。餘同。御覽一百三十五。

堯取散宜氏之子女皇。宋衷曰。是本丹朱堯系。漢書同。見御覽一百三十五。散字。依大戴記帝系篇增。

鯀娶華氏女。志是生高密禹。又一百三十五。

伯禽生煬公熙。熙生弗。弗生獻公具。具生武公敖。

明堂位正義

孝公生惠公弗皇。弗皇生隱公。

曾子問正義

哀公

蔣生悼公寧。寧生元公嘉。嘉生穆公衎。

檀弓上

桓公軌。

桓元年

閔公啓方。

閔元年

隱公之後，仍有六世爲君。

隱六年

孝公生僖伯彊。彊生哀伯達。達生伯氏瓶。瓶生文仲辰。

禮器公治長疏

臧會。臧頃伯也。

惠氏左傳補注

季友生仲無佚。無佚生行父。

穀梁文六年

公子友生齊仲。齊仲生無逸。無逸生行父。行父生夙。

檀弓上

悼子紇

生平子意如。意如生桓子斯。斯生康子肥。

檀弓下

悼子紇生穆伯靖。又

桓公生僖叔牙。牙生戴伯茲。茲生莊叔得臣。得臣生穆叔豹。豹生昭子媯。媯生成子不敢。不敢生武叔州。

仇。檀弓下。

桓公生僖叔牙。叔牙生武仲休。休生惠伯彭。彭生皮。皮為叔仲氏。檀弓下。

孝公生惠伯革。其後為厚氏。檀弓上。正義以為世本云革。此云鞏。世本云厚。此云后。其字異耳。

慶父生穆伯敖。敖生文伯穀。穀生獻子蔑。檀弓下。獻子蔑生孝伯。孝伯生惠伯。惠伯生昭伯。昭伯生景伯。

檀弓上。

叔盼生聲伯嬰。齊生叔老。老生叔弓。檀弓下。叔弓生定伯閱。閱生西巷敬叔。叔生成子還。左氏定十一年。

仲孫獲生南宮縚。檀弓上。

敬叔。桓公七世孫。惠伯是桓六世孫。並檀弓下疏。

仲遂。莊公之子東門襄仲。檀弓下。述產子家歸父。述與遂古字通。惠棟左氏補注。

邠昭伯名惡。惠氏左傳補註。

魯大夫公之文。廣韻。

宋

宋潛公生弗甫何。弗甫何生宋父。宋父生正考甫。正考甫生孔父嘉。爲宋司馬。華督殺之而絕其世。其子木金父降爲士。木金父生祁父。祁父生防叔。爲華氏所偪。奔魯爲防大夫。故曰防叔。防叔生伯夏。伯夏生叔梁紇。叔梁紇生仲尼。詩那正義

華父督戴公之孫。好父說之子。左氏桓元年華督生世子家。世子家生華孫御事。華孫御事生華元右師。文十六年

世子家生秀老。秀老生司徒鄭。鄭生司徒喜。成十五年

戴公生樂甫術。術生碩甫澤。澤生季甫。甫生子僕伊與樂豫。左氏文七年碩甫澤生夷父須。須生大司寇呂。文十年

八年戴公生樂甫術。術生石甫願。繹生夷甫傾。傾生東鄉克。克生西鄉士曹。曹生子罕喜。檀弓下樂懼戴

公六世孫。成十六年

桓公生公子鱗。鱗生東鄉矐。文七年東鄉矐生司徒文。司徒文生大司寇子奏。司寇子奏生小司寇朱。

世本

公孫壽生大司馬虺。虺生司馬澤。成十五年。

莊公生右師戊。戊生司城師。

桓公生向父盼。盼生司城訾守。訾守生小司寇鱣及合左師。成十五年。向戌生東鄰叔子超。超生左師眇。眇即向巢也。

也。禮弓上。

皇父充石戴公子。文十一年。

襄公子墨夷須爲大司馬。其後有墨夷皋。廣韻。宋大夫東鄉爲。又宋有大夫考成方。又

晉

武公莊伯子。曲沃。桓三年。

畢萬生芒季。芒季生武仲州。州即讎也。閔元年。又魏世家素隱。

畢萬生芒。芒生季。季生武仲州。州生莊子降。降生獻子荼。



茶生簡子取取生襄子多。此句又見索隱下句同。多生桓子駒駒生文侯斯。樂記疏。魏錡讎孫。宣十二年。獻子名荼。魏世家索隱。

魏襄王名嗣。索隱。范氏晉大夫隰叔之子士蔣之後。惠棟左氏補注。

武仲生莊子絳。魏世家。又記魏世家魏絳卒諡為昭子。徐廣曰。世本曰莊子索隱中。又文侯都徐曰世本云斯也。

惠王生襄王而無哀王。魏世家集解。襄王生昭王而無哀王。索隱。昭王名遯安。僖王名圉安。釐王生景愍王午。

也。俱世家索隱。

士蔣生城伯鞅。城伯鞅生武子士會。武子士會生文叔士燮。左氏文十三年。文叔燮生宣叔勾。勾生獻子鞅。鞅生

吉射。惠氏左傳補注。士勾弟佗為司功。以官為氏。廣韻。

孫伯鸞生司空頡。頡生南里叔子。叔子生叔正。官伯。伯生司徒公。公生曲沃正少襄。襄生司空大伯。伯生

侯季子。季子生籍游。游生談。談生秦。昭十五年。

桓叔生子萬。子萬生求伯。求伯生子輿。子輿生獻子厥。

卻豹生冀。冀生缺。缺生克。成二年又十一年。

豹生義。義生步揚。步揚生蒲城鵠。居蒲城鵠。居生至。又步揚

生州。成十一年。

公明生公孟及夙。惠棟左氏補注。成十年作公明生趙夙。

趙夙為衰祖。穿為夙之曾孫。宣二年。

晉大夫下門聽。廣韻。

叔向兄弟有季夙。昭五年。

晉大夫逝敖生桓伯林父。左氏補注。

程鄭荀氏別族。成十八年。

齊

太公望生丁公伋。伋生乙公得。得生癸公慈母。慈母生哀公不臣。檀弓。

莊仲山產敬仲夷吾。夷吾產武子鳴。鳴產莊子啓。方啓方產成子孺。孺產莊子盧。盧產悼子其夷。其夷產

襄子武。武產景子耐。涉耐涉產微。凡十代。世譜同。史記管晏列傳索隱。

靈公名環。莊公名光。景公名杵臼。史記管晏列傳索隱。

頃公生子夏勝。勝生子石青。左氏昭二十年。

高敬仲生莊子。莊子生傾子。傾子生宣子。宣子生厚。厚生止。

傾子之孫。武子偃。左氏襄二十九年。又昭十二年。引曰。傾子之孫鄰。

東僖子乞產成子常。左氏疏。作僖子生昭子莊。簡子齒。宣子其夷。穆子安。廩邱子尙鑿。左氏疏。作鑿茲。茲子芒盈。左氏疏。作芒子盈。惠子得。惠棟

左氏補注。左氏哀十四年。成子當。疑作常。謂陳恆也。生襄子班。班生莊子伯。檀弓下。

懿伯生貞孟。貞孟生成伯高父。國氏。檀弓上。

齊大夫長孫修食邑于唐。其孫仕晉。後號唐孫氏。廣韻

齊大夫淵湫。又

齊臨淄大夫車遽氏。

又九麻。二十三魂引臨

淄大夫車門遽。

衛

戴公申。閔二年。衛康伯名髡。宋衷曰。卽王孫牟也。事周康王爲大夫。司馬貞曰。牟髡聲相近。

獻公生成子當。當生文子拔。拔生朱。爲公叔氏。檀弓上二見。

靈公生昭子郢。郢生文子木。及惠叔蘭。蘭生虎。爲司寇氏。

文子生簡子瑕。瑕生衛將軍文氏。檀弓上。

懿子兼生昭子舉。舉生趙陽。兼卽驩也。定十四年。

孫氏出子武公。至林父八世。成十四年。

公孟彊。靈公之子。字公孟。名彊。隱八年。

孔莊叔達生得閻叔穀。穀生成叔烝。烝生項叔羅。羅生昭叔起。起生文叔圉。圉生慳。統。祭

召穆公。康公之十六世孫。詩江漢。

吳

夷昧及僚。夷昧生光。昭廿七年。

楚

穆王生王子揚。揚生尹尹。尹生令尹甸。昭十七年。 蔦艾獵。孫叔敖之兄。蔦子馮。艾獵之子。襄十五年。 屈蕩。屈建之祖。

父。襄二十五年杜注。

楚大夫涉其帑。廣韻。 平王孫有田公它成。蔦子非相。箭楊偉注。

鄭

子游。子瑕。並公孫夏之子。駟氏昭十九年。 鄭伯費。是鄭悼公。穀梁成六年。

世本

鄭有子師僕。殷時掌樂。有大師摯。少師陽。韻。廣

陳

宣公生子夏。夏生御叔。叔生微舒。舒生惠子晉。晉生御寇。寇生悼子鬻。昭廿三年。

厲公躍。桓十二年。

鍼宜咎。陳鍼

子八世孫。襄二十四年。

陳舜後。宋衷曰：虞思之後，箕伯直柄中衰，殷湯封遂于陳，以祀舜。

杞

桓公成公之弟。襄六年。

滕

齊景公亡滕。隱七年左正義。又云：隱公之後，仍有六世孫。同上。

錯叔繡。文王子。地理志注。考公麇。元公宏。卽定公。文公也。趙注：孟、困學紀聞卷八。

燕

幽州郡北燕。宋衷曰：有南燕。故曰北。御覽一百六十一。



本 世

證 考 附

注 衷 宋  
輯 校 淇 學 雷

本館據畿輔叢書  
本排印初編各叢  
書僅有此本

世  
本



# 世本上

通州雷學淇校輯

## 漢宋衷注

淇案衷忠古字通。漢書劉表傳曰：表起立學校，博求儒術。蔡母閔，宋忠等撰立五經章句，謂之後定。左傳釋例曰：漢末，宋仲子集七歷以考春秋經典釋文曰：衷，字仲子，南陽章陵人。後漢荊州五業從事，有周易注九卷。三國志尹默傳注云：宋仲子後在魏，蓋初仕劉表，後卒於魏也。○世本書有傳，有記，有別錄，有圖，有譜，有注，傳見史記魏世家索隱，記見左傳襄公二十一年正義，別錄見唐書藝文志，圖見陳振孫直齋書目，謂張九齡撰，姓源韻譜，嘗摭據世本圖也。此皆不著作者姓名。隋書於世本王侯大夫譜二卷外，別有世本二卷，劉向撰。世本四卷，宋衷撰。唐書藝文志亦止云宋忠世本四卷，下始記宋均及王氏二家注。二志皆不言仲子作注者，蓋其時世本書殘缺，仲子據史記補燕系，其他必更有補益者，故隋志直云衷撰世本，以諸書所引各文證之，蓋補其殘缺而注釋之也。

## 帝繫

淇案書序正義云：今世本帝繫及大戴禮五帝德，皆以黃帝爲五帝。詩生民正義引大戴禮帝繫云：謂世本文亦然。一切經音義二十三云：世本有帝繫篇，謂子孫相繼續也。路史後紀八卷注引世本帝繫云：鬼方國君之妹女嬃，大戴作女隤，國名紀。

六卷。又引帝繫宋衷注。據此是世本書。舊有帝繫篇甚明。文與大戴禮略同。故書序正義云。大戴禮出於世本。即指此及謚法等篇也。今諸書稱引。存者強半。條列於下。缺者以戴書證之。

少典生軒轅。是為黃帝。

淇案。此九字諸書無引者。漢書司馬遷傳。隋書經籍志。並云世本錄黃帝以來祖世所出。據此是世本帝繫篇。實有此文。與戴記同也。

黃帝生元囂。據注文及史記五帝本紀。元囂生僑極。僑極生高辛。是為帝嚳。帝嚳生堯。舜典正義引。無高辛是為四字。王逸離騷注。引此云高辛是為

嚳。帝

宋忠曰。元囂青陽。是為少昊。繼黃帝立者。高辛地名。因以為號。學名也。史記五帝本紀。索隱。正義。○少昊黃帝之子。名

契。字青陽。黃帝歿。契立。王以金德。號曰金天氏。同度量。調律呂。封泰山。作九泉之樂。以鳥紀官。董道。錢譜。

孫氏注云。伏羲。神農。黃帝。為三皇。少皞。顓頊。高辛。唐虞。為五帝。史記五帝本紀。索隱。正義。

淇案。董氏所引。與世本文不類。必傳注等說也。凡疑者。皆加一圈別之。孫氏注世本。隋唐書志。皆不載。堯典正義引世本云。堯為

九卷。世本。孫氏注。引。云。堯。黃。帝。之。曾。孫。也。昔。者。堯。帝。系。文。也。在。惠。昭。公。元。年。統。引。云。金。天。氏。帝。少。昊。又。十。七。年。統。引。

云青陽卽少昊黃帝之子代黃帝而有天下號曰金天氏此皆約舉傳注文也名契路史後紀七卷注引作契又作契契與挈契古字通皆擊字之譌也考國語有兩青陽皆黃帝子一爲姬姓帝妃西陵氏之女蠶祖所生卽元鸞也史謂其降居江水不得在帝位其後裔是爲高辛一爲己姓方雷氏之甥逸書謂其名曰實因繼蚩尤而宇於少昊故又曰小昊清其裔孫是爲少昊帝擊故三統歷引考德云少昊曰清清者黃帝之子清陽也是其子孫名擊又曹子建帝少昊贊曰禮自軒轅青陽之裔然則少昊帝擊實爲青陽之裔非卽實矣自漢以後言古系者多誤合兩青陽爲一又誤謂少昊擊卽少昊清此由世本在漢初文多殘落帝系篇脫去少昊之世故史遷探之作帝紀不及少昊而後之言少昊者亦每多紕繆也宋注云云實同此誤

黃帝生昌意

郭璞山海經十八卷注

昌意生高陽是爲帝顓頊

顧野王玉篇注

宋衷曰顓頊名高陽有天下號也

史記五帝本紀索隱

顓頊生窮蟬五世而生瞽叟

漢書律歷志引帝繫文

瞽叟生重華是爲帝舜

王逸楚詞注引帝繫文

淇案漢志王注所引帝繫文與戴記多不合蓋卽世本帝系也五世者統計之詞舜典疏引世本云舜是黃帝八代之孫皆約全文言之戴書云顓頊產窮蟬窮蟬產敬康敬康產句芒句芒產蟠牛蟠牛產瞽叟瞽叟產重華是爲帝舜與漢志五世之說合未審世本文與此同否

顓頊五世而生鯀

漢書律歷志王逸楚詞注引帝繫文

鯀生高密是爲禹

玉篇

宋衷曰高密禹所封國

夏本紀索隱及路史後紀十三卷注

淇案漢志前引五世生瞽叟今有戴書及史記可證此之五世其文缺矣山海經有繇父駱明之說不知世本或與同否書序疏云世本經于暴秦爲儒者所亂通鑑外紀曰世本經秦歷漢儒者改易今戴書帝繫史記本紀皆謂顓頊生鯀是戴與司馬所見世本實非完帙矣更有史記猶存其證而戴書並缺者是則戴之所見其竄亂又甚後劉向校訂補其不足後儒據之故高誘呂覽注亦曰禹顓頊六世孫今山海經十八卷注玉篇七卷注史記夏本紀索隱引世本仍作顓頊生鯀鯀生高密者蓋漢魏之際更生所校又復散失外間轉寫仍止殘編雖宋衷據史記補燕系而此仍缺如也

顓頊生稱稱生卷章卷章生黎

左傳昭公二十九年疏

淇案戴記帝繫篇無此數語史遷采世本作史記著於楚世家故孔疏並引之顓頊疏引作高陽與帝系文不類吳任臣山海經廣注引世本作顓頊生稱

黃帝娶于西陵氏之子謂之嫫祖生青陽及昌意昌意娶于濁山氏之子謂之昌僕生顓頊

山海經十卷注

淇案戴記黃帝下有居軒轅之邱五字昌意下有青陽降居泝水昌意降居若水二句史記亦有之泝作江郭注所引或節取之也否則三語見世本居篇戴氏誤屬於此章昭國語注引帝繫此文亦無居軒轅五字又戴記嫫作嫫濁作濁僕作僕嫫祖昌僕下皆有氏字屬上爲句故下又曰吳回氏付祖氏女皇氏女嬃氏氏皆連名字讀之大誤案氏者後世之稱傳世之謂也傳曰昨

以其先世官邑氏。其子孫或亦以字謚。故周禮地官疏云。祖父以來。世爲是官。則命之以氏。凡官稱氏者。皆此類。自古公侯卿士。從無以己之名字及身稱氏者。況嫫祖。昌僕。安皇。女媧。又皆婦名。無稱氏之禮。氏字當屬下爲句。古文氏與是通。漢書地理志曰。氏爲莊公。漢韓勅後碑云。韓君子氏。實檣之思。是皆作氏。下文是生老童。是生六子。衛是也。韓是也。等句。戴記是皆作氏。諸書引。世本並作是也。國語注引是生青陽。又作實。蓋古文是與實通。是與寔通。詩鄭箋云。寔實同。春秋恒公六年經曰。寔來。穀梁傳曰。實來者。是來也。

顯頊娶于滕瓚氏之子。謂之女祿。是生老童。山海經十六卷注引無之子及是字。據太平御覽一百三十五卷引補瓚御覽作奔。

宋衷曰。勝奔。國名。御覽及路史國名紀六卷注。

淇案字書無瓚字。王逸楚詞章句引帝系作顯瓚。娶于滕隍。奔氏女而生老童。戴記云。顯瓚娶于滕奔氏。路史注又謂一作滕隍。淇謂隍字衍文。瓚字當是賁字之譌。賁與奔瓚皆通。夏小正云。元駒賁。周官有虎賁氏。旅賁氏。字之音義與奔皆合。故御覽路史引作滕奔。穀梁傳曰。瓚。酒于地。地賁。注釋賁爲沸起。是賁又與瓚通矣。郭氏所見帝系。必作瓚字。後之鈔錄者。譌作瓚。左傳宣公二年疏。所謂世本轉寫多誤也。勝奔。騰奔。皆滕賁之別。

老童娶于根水氏。謂之驕福。山海經十六卷注。生重黎及吳回。徐廣史記楚世家音義。○山海經十六卷注。作產重及黎。

陸終娶于鬼方氏之妹。謂之女嬭。是生六子。孕而不育。三年。啓其左脅。三人出焉。破其右脅。三人出焉。水經

清水注太平御覽  
三百七十一卷

注云鬼方于漢則先零戎是也。文選趙充國頌注

棋案戴記此節上有吳回氏生陸終六字世本當與同也破字御覽亦作啓李善文選注引此注文不言是誰氏之注也

其一曰樊是爲昆吾二曰惠連是爲參胡三曰錢鏗是爲彭祖。史記楚世家索隱○水經獲水注引三曰二句無鏗字

宋忠曰昆吾國名已姓所出左傳曰衛侯夢見披髮登昆吾之觀今濮陽城中昆吾臺是參胡國名樹

姓無後。楚世家索隱○彭祖姓錢名鏗在商爲守藏史在周爲柱下史年八百歲。經典釋文莊子逍遙注邢昺論語述而疏並引之未審是仲子注文否

四曰求言是爲會人其五曰安是爲曹姓六曰季連是爲聿姓

宋忠曰求言名也。妘姓所出安名也。曹姓者諸曹所出也。季連名也。聿姓諸楚所出楚之先。楚世家索隱

昆吾者衛是也。參胡者韓是也。彭祖者彭城是也。會人者鄆是也。曹姓者邾是也。裴駭史記楚世家集解○邾

楚子熊渠下引此文證之則世本元文是節字無疑故宋注云節國也

宋忠曰節國也。楚世家索隱。

季連者楚是也。楚世家索隱。

楚子熊渠封長子庸爲句祖王。中子紅爲鄂王。少子疵爲就章王。

水經江水注引世本曰熊渠封其中子爲鄂王。史記楚世家曰熊渠立其長子康爲句章王。中子紅

爲鄂王。少子執疵爲越章王。索隱曰系本康作庸。曹作祖。無執字。越作就。太平寰宇記一百一十二卷引世本曰楚子熊渠封中子紅于鄂。蓋三書皆節取之也。

淇案戴記此節上有季連產付祖氏。付祖產穴熊。九世至于渠婁。繇出自熊渠。四句前二語。史記亦有之。世本當亦然也。後二句。史與之異。謂穴熊以後中微。或在中國。或在蠻夷。弗能紀其世。周文王之時有鬻熊。又九世至于熊渠。此與戴記不同。蓋史記是也。漢初世本已殘缺。至戴氏時尤其。故穴熊至渠千有餘年。謂止九世。此因穴鬻聲相近。誤合爲一。不如史遷之記遠矣。考楚之先世有三鬻熊。其一乃唐元宗詔祀夏禹于安邑。以宗伯鬻熊秩宗伯夷配祀者。此鬻熊在虞夏之際。卽此穴熊也。其一卽年九十而見文王。文王師事之者。是在商周之際。其一則渠之孫熊嚴。當汾王之世。王符潛夫論亦謂之爲鬻熊也。

帝嚳卜其四妃之子。而皆有天下。元妃有郃氏之女。曰姜嫄。是生后稷。次妃有媯氏之女。曰簡狄。是生契。

次妃陳艷氏之女曰慶都是生帝堯次妃姬訾氏之女曰常儀是生帝摯

藝文類聚十五卷太平御覽一百三十五卷並引之元妃史記外戚世家索隱

引作上妃

堯娶于散宜氏之子謂之女皇

宋衷曰是生丹朱

並見御覽一百三十五卷

舜娶于帝堯謂之女瑩

御覽引此條瑩誤作姬五帝本紀索隱云系本作女瑩大戴作女瑩

鯀娶有辛氏女謂之女志是生高密

史記夏本紀索隱○御覽一百三十五卷引此誤有辛作華下衍禹字

禹娶塗山氏之子謂之女媯是生啓

夏本紀正義引帝繫文如此與戴記異蓋卽世本帝繫也故索隱引世本曰塗山氏女名女媯○女媯疑是女媯之誤戴記作女媯漢書古今人表作女媯



王侯

淇案隋書經籍志有世本王侯大夫譜二卷而堯典正義經典釋文皆引王侯世本趙邠卿孟子注亦云古紀世本錄諸侯之世是王侯自爲一篇不與卿大夫同也太史公采世本以成史記今凡文之不屬者取史記附證於後

啓禹子書益稷正義

帝佇三代世表索隱

帝芬

帝降夏本紀索隱

帝皋生發及履癸履癸一名桀

三代世表索隱

宋衷曰帝皋墓在嶠南陵同上

淇案夏本紀禹生啓啓生太康及中康中康生帝相相生少康少康生帝予予生帝槐槐生帝芒芒生帝泄泄生帝不降及帝局局生帝履不降生孔甲孔甲生帝皋皋生帝發發生帝桀索隱引世本謂予作佇槐作芬不降作降又引云帝皋生發及桀書孔

傳云啓禹子正義謂是世本文據此是世本之系與史記同其不同者惟佇芬帝降及發與桀爲兄弟耳

右夏世

契生昭明昭明生相土相土生昌若昌若生曹圉曹圉生根國根國生冥禮祭法正義糴圉殷本紀索隱核殷本紀索隱湯名天

乙堯典音義及正義外丙仲壬殷本紀正義太甲太丁子太甲崩子沃丁立書序正義小甲太庚子三代世表索隱仲丁太戊子河

夏甲仲丁弟祖乙河夏甲子書序正義開甲殷本紀索隱盤庚崩弟小辛立崩子武丁立書序正義祖辛三代世表索隱

宋衷曰冥爲司空勤其官事死于水中般人郊之殷本紀索隱記曰太甲湯孫左傳襄公二十一年正義

淇案殷本紀契生昭明昭明生相土相土生昌若昌若生曹圉曹圉生冥冥生振振生微微生報丁丁生報乙乙生報丙丙生壬壬生主癸癸生天乙是爲成湯湯生太丁及外丙中壬太丁生太甲太甲生沃丁及太庚太庚生小甲及雍己太戊太戊生仲丁及外壬河夏甲河夏甲生祖乙祖乙生祖辛及沃甲祖辛生祖丁及南庚祖丁生陽甲及盤庚小辛小乙小乙生武丁武丁生祖庚祖甲祖甲生廩辛及庚丁庚丁生武乙武乙生太丁太丁生帝乙帝乙生帝辛是爲紂索隱引世本謂曹圉作糧圉振作核沃甲作開甲廩辛作祖辛正義謂太史公采世本有外丙中壬尙書正義又引天乙太甲十數君據此是世本之文與史系皆符惟曹振沃廩四字互異更多根國一代也班叔皮謂史公刪世本卽此類也

右商世

后稷生不窋不窋生鞠陶鞠陶生公劉公劉生慶節慶節生皇僕皇僕生差弗差弗生毀隄書酒誥正義僞榆

公非辟方高圉侯侷亞圉雲都太公組紺諸整周本紀索隱組紺生太王夏父夏父生季歷季歷生

文王酒誥正義○禮記中庸疏引亞圉雲都組紺諸整無太公二字路史後紀九及發輝四引此侷作牟太公二字在組紺諸整下

宋衷曰高圉能率稷者也周人報之

周本紀集解

淇案周之世系論者紛如。史記拘於國語十五王之說。謂自棄爲后稷。歷夏商千有餘年至文王止。十有五君。其不合事情。誠有如謙周所議者。然夏后以來。失其代數。淇謂當以婁敬謙周之言爲是。殷商以後。文多脫略。淇謂當以世本漢書爲主。婁敬說漢高祖曰。自后稷堯封之部。積德累善十餘世。公劉避築居邠。然則棄至公劉十餘世。不止四世矣。此十餘世不可悉知。山海經謂后稷之弟曰台。蘆生叔均始作耕。又曰。稷之孫叔均作牛耕。其說似不同。非不同也。謙周據國語。謂周之先世。世爲稷官。以服事虞夏。所謂稷生不啻者。皆稷棄之裔。非親棄之子。然則山經世本之所謂后稷。多謂棄之子孫。龔居稷官者。不盡皆指棄矣。叔均之祖與世父。皆爲稷官。故或曰。稷之孫。或曰。弟之子也。世本謂后稷至公劉四世。此。后稷實亦非棄。婁敬生戰國時。時猶近古。所聞自當不謬。不然。歷有夏四百數十年。豈僅止四世哉。慶節以後。至文王。皆在殷商之世。諸書引世本。公非至諸釐。不言屬。漢書古今人表。僞榆作毀隄。侯倅作夷踐。太公組紺諸釐作公祖。謂公非。毀隄子。辟方。公非子。高圉。辟方子。夷釐。亞圉。皆高圉子。雲都。亞圉弟。公祖。亞圉子。孟堅。大家。去更生未久。必及見所校。世本人表之說。近爲得實。故曰。周系自殷商以後。當以世本漢書爲主也。史記多疏漏。既以不啻爲棄之親子。公非後更脫去辟方三世。皇甫謐帝王世紀。杜預春秋釋例。又從而和之。謂此三世。卽公非高圉亞圉名字。此與漢表之說。亦大不侔矣。今酒誥正義引后稷至文王。仍如史說。且有爲昭爲穆等文。與古紀世本體不類。與禮疏史注路史所引亦不合。故公非下至組紺。仍依諸書。止記名號。並刪去昭穆等文。而附其說於後。

成王生康王。康王生昭王。昭王生穆王。穆王生恭王。禮郊特牲正義伊扈。周本紀恭王生懿王。郊特牲正義堅。周本紀及孝

王。懿王崩。弟孝王立。孝王崩。懿王太子燮立。是爲夷王。夷王生厲王。郊特牲正義

宋衷曰。昭王南伐楚。辛由靡爲右。涉漢中流而隕。由靡承王遂卒。不復。周乃侯其後于西翟。

三代世表案隱

漢案世本自太王以後皆書名所謂臨文不諱也據三代世表其元文當是組紺生太王亶父太王生王季歷王季生文王昌文王生武王發武王生成王誦成王生康王釗康王生昭王瑕昭王生穆王滿穆王生恭王伊厲恭王生懿王堅及孝王方懿王崩弟孝王立孝王崩懿王太子燹立是爲夷王夷王生厲王胡厲王生宣王靜宣王生幽王宮涅幽王生平王宜臼平王生太子洩父洩父生桓王林今惟賣父季歷伊厲堅四名見書疏史注蓋稱引者多略去不載觀下左傳正義所引可見世表之文與世本多合故本紀謂恭王名燹厲王名燹而世表仍作伊厲堅也

平王生桓王林林生莊王佗佗生僖王胡齊胡齊生惠王毋涼毋字據周本紀案隱引增惠王生襄王鄭鄭生頃王巨巨

生匡王班及定王瑜瑜生簡王夷夷生靈王泄心泄心生景王貴貴生悼王猛及敬王匄左傳昭公二十六年正義

淇案正義此段文多脫略杜注謂惠王平王六世孫故疏引惠王以上文證之脫太子洩父一世及胡毋二字今胡據本段文補毋據史記注補洩父一代經史傳紀無異詞而未有證爲世本文者故仍之而附其說頃王之名諸書皆作王臣此巨字疑亦缺誤

敬王崩。貞王介立。貞王崩。元王赤立。左傳哀公十九年

宋衷曰太史公書云元王仁生定王介與世本不相應不知誰是左傳哀公十九年正義魯哀公十九年周敬王崩

哀公二十年是定王介子元王赤立經典釋文二十〇此所引亦傳注說也

威烈王 王赧

宋衷曰威烈王葬洛陽城中東北隅王赧諡曰西周武公周本紀索隱〇宋氏誤以王赧為西周武公索隱已辨之

淇案春秋終於敬王之世前已詳之矣周本紀謂敬王生元王仁仁生定王介介生哀王去疾思王叔及考王嵬嵬生威烈王午午生安王驕驕生烈王喜及顯王扁扁生慎觀王定定生王赧貞元之系古無定論韋昭國語注云定當為貞貞王名介敬王子也即世本說定王漢書人表竹書紀年帝王世紀皆作貞定王

右周世

伯禽生煬公熙熙生弗弗生獻公具具生武公敖明堂位正義考公就幽公圉魯世家索隱徽公弗經典釋文十八〇三代世表索隱引作徽

公弗甚厲公翟慎公攀魯世家索隱孝公生惠公弗皇弗皇生隱公曾子問正義隱公息姑魯世家索隱桓公軌左傳桓公元年疏穀梁傳疏亦引之

世本上

潁公啓方

穀梁傳閔公元年疏。○魯世家注引無方字。

襄公

穀梁傳疏。

昭公稠

世家索隱。

哀公蔣生悼公寧。寧生元公嘉。嘉生穆公不衍。

檀弓正義。

平

公旅。

潁公

魯世家索隱。

○襄公十五年當周頃王

穀梁傳襄公十五年疏。

淇案魯世家伯禽生考公會及煬公熙。熙生幽公宰及魏公澧。澧生厲公擯及獻公具。具生真公濩及武公敖。敖生懿公戲及孝公稱。稱生惠公弗湟。弗湟生隱公息及桓公允。允生莊公同及潁公開。釐公申。申生文公興。興生宣公倭。倭生成公黑肱。黑肱生襄公午。午生昭公稠。及定公宋。宋生哀公將。將生悼公寧。寧生元公嘉。嘉生穆公顯。顯生共公奮。奮生康公屯。屯生景公偃。偃生平公叔。叔生文公賈。賈生頃公營。營滅之。索隱引世本謂曾作就。宰作圉。魏公作微公。擯作翟。真公濩作愷。公擊。弗湟作弗息。息作息姑。開作啓。將作蔣。顯作不衍。叔作旅。文公作潁公。禮疏所引蓋節錄之也。

右魯世

太公望生丁公伋。伋生乙公得。得生瘡公慈母。慈母生哀公不臣。

檀弓正義。○齊世家索隱引作祭公慈母。

宋衷曰。哀公荒淫。田遊史作還詩以刺之。

齊世家索隱。

獻公山

宋衷曰其黨周馬繻人將胡公于貝水殺之而山自立也。齊世家索隱

武公。

宋衷曰齊武公十年宣王大臣共行政故號曰共和十四年宣王即位。十二諸侯年表索隱

成公說。莊公賸。齊世家索隱昭公潘。穀梁傳文公十四年疏靈公環。莊公光。景公杵臼。管晏列傳索隱平公敬。齊世家索隱

淇案齊世家太公望生丁公伋伋生乙公得得生癸公慈母慈母生哀公不辰及胡公靜獻公山山生武公壽壽生厲公無忌無忌生文公赤赤生成公脫脫生莊公購購生釐公祿甫祿甫生襄公諸兒及桓公小白小白生無虧及孝公昭昭公潘懿公商人惠公元元生頃公無野無野生靈公環環生莊公光及景公杵臼杵臼生晏孺子荼及悼公陽生陽生生簡公壬及平公驚驚生宣公積積生康公貸田和遷之海上索隱引世本謂癸公作祭公不辰作不臣脫作說購作賸驚作敬是二書之異者止此數處餘皆同也視穀梁傳及管晏傳注所引自見

右齊世

世本上

宣侯。

桓侯。

閔公。

燕世家  
索隱

燕王喜。

顏氏家訓  
書證篇

淇案燕世家召公已下九世至惠侯。惠已下釐侯、頃侯、哀侯、鄭侯、繆侯、宣侯、桓侯、莊公、襄公、桓公，皆父子相傳。桓公已下傳宣公、昭公、武公、文公、懿公，皆無系。懿公生惠公，傳悼公、公共、平公、獻公、孝公、成公、湣公、釐公、桓公、文公，亦無系。文公生易王，易王生噲，噲生昭王，平，平生惠王，惠王生武成王，武成王生孝王，孝王生今王喜。秦滅之，索隱於宣侯下引譙周說云：系本謂燕自宣侯已上皆父子相傳，桓侯已下並不言屬，據此是世家自宣侯已上之系，皆世本文也。桓侯已下猶三代言屬，不知史公何本矣。索隱又云：案今系本無燕代系，宋忠依太史公書以補其缺，尋徐廣作音義，尚引系本，蓋近代始散逸耳。據此是世本經秦火已多殘缺，徐廣所見即宋氏據史記所補者，至唐時並此散失也。然索隱謂系本以上文公為閔公，此處不知宋氏何據。考譙周所見史記與今本不同，豈仲子所見亦頗異與。

### 右燕世

平侯者，靈侯般之孫，太子友之子。

管蔡世家集解

淇案蔡世家周武王弟叔度封于蔡，度生蔡仲，胡，胡生蔡伯荒，荒生宮伯侯，侯生厲侯，厲侯生武侯，武侯生夷侯，夷侯生釐侯，釐侯生共侯，興，興生戴侯，戴侯生宣侯，措父，措父生桓侯，封人及哀侯，獻舞，獻舞生繆侯，盼，盼生莊侯，甲午，甲午生文侯，申，申生景侯，同生躒侯，般及平侯，廬，般生太子友，友生悼侯，東國及昭侯，申，申生成侯，朔，朔生聲侯，產，產生元侯，元侯生



右蔡世

曹悼伯卒弟露立諡靖公。管蔡世家索隱。

宋忠曰曹今濟陽定陶縣上。同

淇案曹世家周武王弟振鐸封于曹生太伯脾脾生仲君平平生宮伯侯侯生孝伯雲雲生夷伯喜及幽伯彊戴伯戴伯生惠伯兕兕生石甫及纒公纒公生桓公終生終生生襄公夕姑夕姑生釐公夷夷生昭公班班生共公襄襄生文公壽壽生宣公彊及成公負芻負芻生武公勝勝生平公頃及隱公通頃生悼公午及聲公野靖公露露生曹伯陽宋滅之索隱云檢世本及春秋悼伯卒弟露立諡靖公實無聲公隱公據此是世本元文止云頃生悼公午及靖公露無聲公隱公也索隱亦是約詞。

右曹世

康叔周公弟。左傳襄公二十九年正義。康伯髡。

宋忠曰即王孫牟也事周康王為大夫。

摯伯。衛世家箕伯。索隱武公康叔九世孫。左傳襄公二十九年正義戴公申。左傳閔公二年正義悼公虔。敬公費生橈公舟。衛世家索隱聖公

馳成公不逝

衛世家集解及索隱

淇案衛世家康叔封衛傳康伯考伯嗣伯虜伯靖伯貞伯頃侯釐侯武公和莊公揚皆父子相傳揚生桓公完及州吁宣公晉生惠公朔及公子黔牟昭伯完朔生懿公赤昭伯生戴公申文公燬燬生成公鄭鄭生穆公遫遫生定公臧及殤公秋臧生獻公衎衎生襄公惡惡生靈公元元生莊公蒯瞶及公子斑師公子起悼公黔蒯瞶生出公輒輒生敬公弗弗生昭公糾公子廔弒之而自立是爲懷公敬公孫公子頹弒之而自立是爲愼公愼公生聲公訓訓生成公遫遫生平侯平侯生嗣君嗣君生懷君及元君元君生角秦滅之索隱於虜伯下云系本作犖伯於貞伯下云系本作箕伯於悼公黔云系本作悼公慶於敬公昭公云系本作敬公費生棧公舟集解於聲公成公云世本作聖公馳成公不逝蓋二書大約皆同止名諱少有異也

右衛世

錯叔繡文王子

顏師古漢書地理志注

封滕

路史後紀十卷注

宋衷曰今沛國公邱是滕國也

陳杞世家索隱

齊景公亡滕

左傳隱公七年正義

考公麋

元公弘

趙岐孟子注

淇案史無滕世家其系不可考見於春秋經傳及孟子者有滕侯毅宣公嬰齊昭公元滕子壽成公原悼公寧頃公結隱公處毋及定公文公其屬則未聞也左傳正義引世本謂隱公之後仍有六世爲君孟子所載定公文公殆其二矣趙岐注云古紀世本

錄諸侯之世。滕國有考公。癸與文公之父。定公相值。其子元公弘與文公相直。以後世避諱。改考公爲定公。以元公行文德。故謂之文公。據此是世本有考公元公。而無定公文公也。趙氏謂定卽考。元卽文。不知何本。且謂其時相直。必世本有諸公在位年數。可準而知也。然不可考矣。至齊景亡。滕之說。左傳正義已疑之。今不復贅。

### 右滕世

定公獲且。穀梁傳成公十七年疏。宣公朝魯。穀梁傳襄公元年疏。

淇案史無邾世家。小司馬欲補之而未果。其見於經傳者。屬亦不能盡識。定公之名。左傳作覆。且世本與穀梁傳合也。宣公朝魯之說。似出傳注。

### 右邾世

武侯曼期。厲侯幅。獻侯蘇。晉世家索隱。穆侯弗生。十二諸侯年表索隱。欒叔賓父。鄂侯邾。晉世家索隱。武公莊伯子。左傳桓公三年正義。

定公午。出公鑿。昭公生桓子雍。雍生忌。忌生懿公驕。六國年表索隱。○晉世家索隱引此。生字下衍札字。桓字下衍公字。雍字下缺一雍字。徐廣音義引此。亦曰桓子雍也。

幽公生烈成公止。孝公傾欣。靜公俱。晉世家索隱。

宋忠曰唐叔已下五世無年紀。十二諸侯年表索隱又曰桓子雍戴子。晉世家音義又曰幽公之時晉衰反朝韓趙魏之

君。晉世家音義

淇案晉世家成王封弟叔虞于唐虞生晉侯燮燮生武侯寧族武侯生成侯服人成侯生厲侯福福生靖侯宜臼宜臼生釐侯司徒司徒生獻侯藉藉生穆侯費壬及殤叔費壬生文侯仇及桓叔成師仇生昭侯伯伯封成師于曲沃靖侯庶孫繒實相之伯生孝侯平平生鄂侯邠邠生哀侯光及晉侯緡光生小子侯桓叔生莊伯緡緡生武公稱稱滅晉侯而代之生獻公詭諸詭諸生奚齊悼子及惠公夷吾文公重耳夷吾生懷公圉重耳生襄公歡及成公黑臀歡生靈公夷皋及公子捷黑臀生景公據據生厲公壽公子捷生惠伯談談生悼公周周生平公彪彪生昭公夷夷生頃公去疾及公子雍去疾生定公午午生出公擊公子雍生忌忌生哀公驕驕生幽公柳柳生烈公止止生孝公頎頎生靜公俱酒魏韓趙遷為家人晉絕不祀索隱諸書所引皆名諱之異宋氏三注說即原於世家世家哀公驕年表亦作懿公驕故觀於史記可以知世本也

右晉世

桓公鄭。杜預春秋釋例世族譜

淇案吳萊謂杜氏世族譜本之劉向世本今譜謂

世本無許叔疑鄭即是是世本亦嘗詳許系矣

右許世

陳遂舜後

路史後紀十二卷注

厲公躍

左傳桓公十二年正義

共公朔

穀梁傳文公十三年疏

宋忠曰：虞思之後，箕伯直柄中衰，殷湯封遂于陳，以為舜後。

陳杞世家索隱及路史後紀十二卷注

淇案陳世家：周武王封舜後，嬀滿于陳，是為胡公。生申公犀侯及相公皋羊。犀侯生孝公突，突生愷公圍，圍生幽公寧，寧生釐公孝。孝生武公釐，釐生夷公說及平公燮。燮生文公圉，圉生桓公鮑及厲公佗。鮑生利公躍及莊公林。宣公杵臼，杵臼生穆公款。款生共公朔。朔生釐公平國。平國生成公午。午生哀公弱。弱生悼太子師及陳侯留。太子師生惠公吳。吳生懷公柳。柳生潘公越。越滅之。左傳謂文公生桓公鮑及五父佗。鮑生太子免及厲公躍。躍生莊公林。桓公卒，太子免即位。五父佗弒免而自立。蔡人殺之。立厲公。桓公十二年正義云：世本有厲公躍，無陳利公。據此是世本之系與左傳相符。索隱亦謂佗立未踰年，故無謚。厲利聲相近，史遂誤以佗為厲公，不知史公采世本，何以有此誤也。

右陳世

殷湯封夏後于杞，周又封之。

殷敬順列子釋文

惠公立十八年，生成公及桓公。成公立十八年，桓公立七十年。

杞世家音

義○索隱亦云：惠公生成公及桓公。七十音義引作十七，今從春秋經傳義疏。

宋忠曰杞今陳留雍邱縣

杞世家索隱

淇案杞世家周武王封禹後東樓公于杞東樓公生西樓公西樓公生題公題公生謀娶公謀娶公生武公武公生靖公靖公生共公共生德公及桓公姑容桓公生孝公勾及文公益姑平公鬱鬱生悼公成成生隱公乞及釐公遂遂生潛公維及哀公闕路維生出公款款生簡公春楚滅之音義於德公下云世本曰惠公於桓公姑容下云世本曰惠公立十八年云云據此是世本謂共公生惠公惠公生成公及桓公此與左氏說同餘則與史記皆合也

右杞世

馮是宋莊公穆公之長子

穀梁傳莊公二年疏

淇案宋世家成王既誅武庚命微子開代殷後國于宋傳其弟微仲衍衍生宋公稽稽生丁公申申生潛公共及麇公熙共生厲公鮒鮒祀生釐公舉舉生惠公颯颯生哀公哀公生戴公戴公生武司空司空生宣公力及穆公和力生麇公與夷和生莊公馮馮生潛公捷及桓公禦說禦說生襄公茲甫茲甫生成公王臣及宋君禦王臣生昭公杵臼杵臼生文公鮑革鮑革生共公瑕瑕生平公成成生元公佐佐生景公頭曼及公子禚泰禚泰生公孫糾糾生昭公特特生悼公購由購由生休公田田生辟公辟兵辟兵生馴成及宋王偃齊與魏楚伐滅之穀梁疏所引亦約詞也

右宋世

夷昧及僚夷昧生光。左傳昭公二十七年正義○下四字吳太伯世家音義亦引之。

淇案史記謂餘昧生王僚諸樊生光今徐廣引世本謂夷昧生光是不同也左傳疏夷昧及僚四字文亦不屬及字或是生字之誤否則是夷昧生光及僚也史記索隱謂今檢世本無此語蓋唐時已散逸矣。

### 右吳世

康王招。十二諸侯年表索隱考烈王完。楚世家索隱

○楚武王墓在豫州新息。楚世家正義

淇案楚世家季連裔孫曰鬻熊事周文王生熊麗麗生狂狂生繹成土封繹于楚生熊艾艾生黶黶生勝及楊楊生渠渠生擊擊及熊延延生勇及嚴嚴生霜及徇徇生罌罌生若放儀儀生霄敖坎坎生蚡冒胸及武王通通生文王賁賁生杜放臯及成王憚憚生穆王商臣商臣生莊王侶侶生共王審審生康王招及靈王圍楚王比平王居招生挾敖員居生昭王珍珍生惠王章章生簡王中中生聲王當當生悼王疑疑生肅王臧宣王良夫良夫生威王商商生懷王槐槐生頃襄王橫橫生考烈王元元生幽王悍哀王猶及負芻秦滅之索隱於考烈王元云系本作完是二書不同者止此而已武墓云云當是宋注

### 右楚世

伯益。秦本紀繆公任好。索隱共公稻。穀梁傳宣公四年疏景公后伯車。刺龔公。懷公。靈公立十年。簡公名悼子。

卽刺龔公子懷公弟也。少主。元獻公立二十二年。武烈王十九年而立。立三年。始皇本紀後昭王側。秦記索隱

甘茂傳始皇帝政。始皇本紀索隱

宋衷曰。仲滑生飛廉。始皇帝以正月旦生。故名曰正。本紀○秦桓公卒于魯。成公十四年。穀梁傳成公十四年疏

淇案秦本紀周孝王封伯翳之後非子于秦號秦嬴生秦侯侯立十年生公伯伯立三年生秦仲仲立二十三年生莊公莊立四十四年生襄公襄立十二年生文公文立五十年生太子躒公躒公早死生寧公寧公生十歲立立十二年生武公及德公出子出子生五歲立立六年武公立二十年德公生三十三歲立立二年德公生宣公成公繆公宣公立十二年成公立四年繆公任好立三十九年繆公生康公瑩瑩立十二年生共公立五年生桓公桓公立二十七年生景公景立四十年生哀公哀立三十六年生太子夷公夷公早死生惠公惠立十年生悼公悼立十四年生厲共公厲共立三十四年生躁公懷公躁公立十四年懷公立四年懷公生昭子及悼子昭子早卒生靈公靈立十三年生獻公而未立立悼子爲簡公簡立十六年生惠公惠立十三年生出子出子立二年秦人迎立獻公獻公立二十四年生孝公孝立二十四年生惠文王惠文立二十七年生武王及昭襄王武王立四年昭襄立五十六年生孝文王孝文立一年生莊襄王莊襄王立四年生子政是爲秦始皇帝秦記躒公作靜公寧公作憲公哀公作畢公厲共公作利龔公憲公作肅憲公出子作出公武王作悼武王又謂悼公立十五年靈公立十年生簡公簡公立十五年獻公立二十三年莊襄王立三年與本紀不同索隱於秦記肅憲公下云系本無獻字立十年於簡公下引系本云肅公



名悼子卽刺龔公之子。龔公弟也。於出公下。云系本謂少主。於獻公下。云系本稱元獻公。立二十二年。於悼武王下。云系本作武烈王十九年而立。立三年。又謂景公名后伯車。是與本紀秦記皆異矣。宋氏前注。乃追敘非子以上世系之說。穀梁傳成公十四年疏所引世本。疑亦注文也。

### 右秦世

周宣王二十二年封庶弟友于鄭。

水經渭水注。

悼公費。

穀梁傳成公六年疏。

淇案鄭世家云。鄭桓公友者。周厲王少子。而宣王庶弟也。宣王立二十二年。友初封于鄭。生武公掘突。掘突生莊公寤生。寤生生昭公忽。厲公突。及子躒。子嬰。突生文公踧。踧生繆公蘭。蘭生靈公夷。靈公堅。堅生悼公潰。成公踰。踰生釐公憚。憚生簡公嘉。嘉生定公寧。寧生獻公董。董生聲公勝。共公丑。勝生哀公易。丑生幽公己。繻公貽。及鄭君乙。韓哀侯滅之。

### 右鄭世

桓子生文侯斯。

魏世家索隱。

惠王生襄王。

魏世家集解引荀勗和嶠竹書同異說。

襄王名嗣。

襄口生昭王。

昭王名遫。

安僖王名

圉。安釐王生景愍王午。

魏世家索隱。

漢案魏世家文侯名都都生武侯擊擊生惠王瑩瑩生襄王赫赫生哀王嗣嗣生昭王昭王生安釐王安釐王生景湣王增增生王假秦滅之和嶠謂世本無哀王史公誤分惠王之世以為二王之年數也蓋哀襄字相似觀趙世家謂哀王名嗣可知史記之誤當從世本紀年為確矣

右魏世

景子虔

武侯

韓世家索隱

懿侯

六國年表索隱

韓宣王

昭侯之子也

蘇秦傳索隱

桓惠王

留侯世家索隱

漢案韓世家景侯慶生列侯取取生文侯文侯生哀侯哀侯生昭侯昭侯生宣惠王宣惠王生襄王倉倉生釐王咎咎生桓惠王桓惠王生王安秦滅之案隱於列侯下引云世本作武侯又曰世本無列侯觀上諸篇所引蓋止武列一謚與史異耳

右韓世

成侯名種

魏世家索隱

肅侯名語

趙世家索隱○蘇秦傳引世本謂肅侯名言未詳孰是

孝成王丹生悼襄王偃偃生今王遷

趙世家音義

漢案趙世家獻侯生列侯籍及武公籍生敬侯章章生成侯種種生肅侯肅侯生武釐王武釐王生惠文王何何生孝成王丹丹生悼襄王偃偃生幽繆王遷秦滅之案隱謂世本無武公蓋餘皆同也

右趙世

齊宣王名辟疆。威王之子也。

蘇秦傳  
索隱

湣王名遂。

王建。

田敬仲世  
家索隱

淇案田齊世家。太公和生桓公午。午生威王。因齊。因齊生宣王。辟疆。辟疆生湣王。地生襄王。法章。法章生王建。秦并之。索隱云。系本自成子。至王建。祇十代。是二書之說。皆同。惟湣王名異耳。魏韓以下四國。其先代之系。並詳卿大夫篇。

### 右田齊世

卿大夫

淇案史記魏世家索隱云。系本無悼子。而居篇曰。悼子徙。則有悼子。系本卿大夫代自脫耳。據此是卿大夫亦自爲卷也。吳萊序杜氏春秋釋例。謂世族譜本之世本。今凡文之不屬者。以左傳世族譜附證於下。

召穆公康公之十六世孫

詩江漢正義。○淇案此約詞。非元文也。康公至穆公百八十餘年。傳世不應如此之速。十六字有衍文耳。

右周臣世

陳鍼宜咎陳鍼子八世孫

左傳襄公二十四年正義

宣公生子夏。夏生御叔。叔生徵舒。舒生惠子。晉生御寇。寇生悼子。

左傳昭公二十三年正義。○案杜預世族譜。陳鍼子。是僖公孫。程公說春秋分紀。謂悼子。齧生。夏。區夫。

右陳臣世

宋湣公生弗甫何。弗甫何生宋父。宋父生正考甫。正考甫生孔父嘉。爲宋司馬。華督殺之而絕其世。其子

木金父降爲士。木金父生祁父。祁父生防叔。爲華氏所偏。奔魯爲防大夫。故曰防叔。防叔生伯夏。伯夏生

叔梁紇叔梁紇生仲尼  
元年穀梁傳桓公二年疏。孔子後數世皆一子  
見檀弓正義。

○孔子坊頂反首張面。路史後紀十卷注。

淇案家語申公生繆公共及襄公熙熙生弗父何何生宋父周周生世子勝勝生正考父考父生孔父嘉孔父生子木金父金父生畢夷畢夷生防叔防叔生伯夏伯夏生叔梁紇紇生孟皮及仲尼左傳昭公七年疏引家語云佷公熙生弗父何畢夷作畢夷父世子勝潛夫論無勝字唐書世系表作世父勝今詩疏引世本脫去世父一代也故左傳杜注亦以正考父為弗父何曾孫以何為閔公子然則家語之說誤矣鄭志所引亦約略之詞世本元文當如漢書孔光傳謂孔子生伯魚鯉鯉生子思伋伋生子子上帛帛生子家求求生子真箕箕生子高穿穿生順云云也

皇父充石戴公子。左傳文公十一年疏。戴公生樂甫術術生石甫願釋釋生夷父傾傾生東鄉克克生西鄉士曹曹生

子罕喜。檀弓下正義。術生碩甫澤澤生季甫甫生子僕伊與樂豫。文公七年疏。碩甫澤生夷甫須須生大司寇呂。文公十八年疏。

樂懼戴公六世孫。成公十六年正義。

淇案澤即願釋須即傾呂即東鄉克也。唐書謂樂呂孫喜喜生子罕與此少異。

華父督戴公之孫好父說之子。左傳桓公元年正義華督生世子家。世子家生華孫御事。華孫御事生華元右師。左傳文公

十六年正義世子家生秀老。秀老生司徒鄭。鄭生司徒喜。左傳成公十五年正義

莊公生右師戊。戊生司城師。同上○淇案戊即公子仲也。

公孫名固為大司馬。宋世家正義○淇案固是莊公孫見魯僖二十二年左傳。

桓公生公子鱗。鱗生東鄉左傳文公七年正義。瞳生司徒文。文生大司寇子奏。奏生小司寇朱。左傳成公十五年正義

淇案杜氏左傳注以朱為瞳孫世族譜又以瞳為桓公子朱為桓公孫尤誤。

公孫壽生大司馬虺。虺生司馬澤。同上。

淇案壽是桓公子蕩之子壽生虺及意諸林堯叟謂澤是意諸子實誤。

桓公生向父盼。盼生司城訾守。守生小司寇鱣及合左師。同向戌生東鄰叔子超。超生左師眇。櫜弓正義

淇案合左師即向戌也。程氏春秋分紀謂戌生五子曰勝、宜、鄭、行、寧、寧生羅、羅生五子曰巢、魍、頎、車、牛。杜氏傳注亦云寧向戌子。

### 右宋臣世

孝公生僖伯彊。彊生哀伯達。達生伯氏瓶。瓶生文仲辰。

禮記禮器疏論語公冶長疏左傳莊公二十八年疏並引之。

臧會臧頃伯也。宣叔許

之孫與昭伯賜為從父昆弟。魯世家宋隱

淇案世族譜彊字子臧辰。生宣叔許。許生四子。武仲紇、定伯為、及臧疇、臧賈。賈生頃伯會。生賓如。賓如生石為。生昭伯賜。又曰臧倉。賓如從兄程氏分紀謂臧倉當是昭伯子與世本皆會。

施伯魯惠公孫。魯世家正義

案氏性篇曰少施氏。惠公子施父之後。世族譜曰施孝叔。惠公五世孫。然則伯是施父之子。孝叔之祖矣。

慶父生穆伯敖。敖生文伯穀。穀生獻子蔑。獻子蔑生孝伯。孝伯生惠伯。惠伯生昭伯。昭伯生景伯。

櫜弓正義

仲孫纘生南宮綽論語公治長正義

淇案春秋左傳及世族譜。桓公子慶父共仲生穆伯敖。敖生惠叔難及文伯穀。穀生獻子蔑。蔑生莊子速及懿伯仲叔。速生孝伯。羯。羯生僖子纘。纘生敬叔說及懿。子何忌。何忌生武伯玆。玆為孟孫氏。亦曰仲孫氏。懿伯仲叔生惠伯椒。椒生昭伯回。回生景伯。何是為子服氏。禮疏引蔑生孝伯。孝字當是懿字之譌。孔氏誤引作孝。故疏內又誤以敬叔為桓公七世孫。此是竟謂獻子生羯矣。大誤。

桓公生僖叔牙。牙生戴伯茲。茲生莊叔得臣。得臣生穆叔豹。豹生昭子媯。媯生成子不敢。不敢生武叔州。

仇。叔牙生武仲休。休生惠伯彭。彭生皮為叔仲氏。檀弓正義

淇案春秋傳及世族譜。莊叔得臣生宣伯僑如及穆叔豹。豹生昭子媯及孟丙仲壬暨牛。媯生成子不敢。不敢生武仲州。仇生文子舒。是為叔孫氏。叔仲彭生皮。皮生昭伯帶。帶生穆子小小生定伯志。是為叔仲氏。其說與世本皆合。

公子友生齊仲無逸。無逸生行父。行父生夙。

檀弓正義引此。誤分齊仲無逸為二人。今據穀梁傳疏所引校正。韋氏國語注亦云。季文子季友之孫。齊仲無佚之子也。穀梁傳文公五年疏引作仲無

佚。悼子紇生平子意如。意如生桓子斯。斯生康子肥。悼子紇生穆伯靖。檀弓正義穆伯生文伯斲。文伯斲生

成伯。成伯生頃。頃為公父氏。元和



淇案春秋傳及世族譜。文子行父者。桓公子。成季友之孫也。生武子宿。宿生悼子紇。及公彌。公亥。公鳥。紇生平子。意如及穆伯。公甫。靖。意如生桓子斯。及子言。寤季。魴侯。斯生康子肥。是爲季孫氏。穆伯。靖生文伯。獸。是爲公父氏。程公說春秋分紀。又謂公彌生頃。頃伯生隱侯伯。隱侯伯生公鉏。極。是爲公鉏氏。文公六年杜注。以行父爲季友子。與譜說自戾。實誤。

仲遂。莊公之子。東門襄仲。檀弓正義。東門述生子家。歸父及昭子子嬰。魯世家案隱

淇案。遂。述古字通。子嬰。卽仲嬰齊。世族譜以此爲東門氏。又謂歸父生文伯。析。析生懿伯。羈。是爲子家氏。

魯文公生惠伯叔盼。叔盼生聲伯。嬰齊。嬰齊生叔老子。叔子。叔生叔弓。叔弓生仲南。文楚及伯張。穆伯。定

伯。爲子叔氏。元和姓纂。叔弓生定伯。閔生西華。敬叔。叔生成子還。左傳定公十一年正義

淇案世族譜。文公生叔盼。盼生嬰齊。嬰齊生齊子叔老。老生敬子叔弓。弓生伯張。輒。穆伯鞅。鞅生叔詣。又云成子還。叔弓曾孫定公十一年注。以還爲叔詣曾孫。蓋字誤也。

右魯臣世

懿伯生貞孟。貞孟生成伯高父。檀弓正義

淇案國氏見於左傳者曰懿仲曰莊子歸父曰賁媚人武子佐曰景子弱曰惠子夏皆父子相傳程氏分紀謂佐生二子曰勝曰弱弱生夏夏生書書生環環生高父以世本證之是懿仲即書貞孟即環矣白虎通潛夫論謂國氏高氏皆齊之公族

高敬仲生莊子莊子生傾子傾子生宣子宣子生厚厚生止傾子之孫武子偃

左傳襄公二十九年正義

淇案唐書高氏乃齊文公赤之子公子高之後其孫敬仲偃食采於盧遂以王父字爲氏莊子虎及傾子不見於左傳傳謂宣子固生無咎及厚無咎生弱厚生止止生豎豎以盧叛請立高氏後而致邑齊乃立偃之曾孫鄰此魯襄公二十九年事也至昭公十二年傳有高偃帥師納燕伯之事杜注以偃爲偃之元孫然則武子偃即鄰之子而鄰乃傾子之子矣此與世本本合而世族譜乃合偃鄰爲一人孔氏於昭公十二年疏內因誤引世本爲傾子之孫鄰此杜謬誤之也世本文止應作偃無鄰之文新唐書又謂高厚生子麗子麗生止與此亦不合高誘呂覽慎行注云齊公子祈字子高

莊仲山產敬仲夷吾夷吾產武子鳴鳴產桓子啓方啓方產成子孺孺產莊子盧盧產悼子其夷其夷產

襄子武武產景子耐步耐步產微

管晏列傳索隱

淇案世族譜謂管

氏出自周穆王

頃公生子夏勝勝生子石青

左傳昭公二十九年正義

閭邱產生嬰。嬰生歐。歐生莖。莖生施。元和姓纂。

夷孟思。田齊世家索隱。閔孟克。田齊世家索隱。陳桓子無宇產子甞。甞產子獻。獻產鞅。陳僖子乞產成子常。簡子齒。宣子其

夷。穆子安。廩邱子尙暨茲。子芒盈。惠子得。昭子桓子之子。成子之叔父。齊世家索隱。僖子生昭子莊。左傳哀公十四年正

義。檀弓正義。成子常生襄子班。班生莊子伯。檀弓正義。

淇案田敬仲世家。陳厲公之子敬仲完奔齊。生穉孟夷。夷生潛孟莊。莊生文子須無。文子生桓子無宇。無宇生武子開。釐子乞。生成子常。常生襄子盤。盤生莊子白白。生太公和。遂并齊國。索隱引世本謂穉孟夷作夷孟思。潛孟莊作閔孟克。盤作班。白作伯。是田之上世。二書皆同。唯名字有異也。杜氏左傳注。謂昭子名莊。亦成子兄弟。索隱引世本駁之。然左傳疏引世本有昭子莊。尙暨茲作暨茲。子芒盈作芒子盈。則杜氏之注未可議矣。意者桓僖二代皆有子諡昭。小司馬所見本有脫誤。故云耶。

### 右齊臣世

孫氏出于武公。至林父八世。左傳成公十四年正義。

淇案新唐書。武公和生公子惠孫。惠孫生耳。爲衛上卿。食采于戚。生武仲乙。以王父字爲氏。孫昭子炎。炎生莊子紇。紇生宣子鱣。鱣生桓子良夫。良夫生文子林父。其世數相符。當卽世本文也。世族譜謂莊子名級。武公三世孫。蓋誤紇爲級。誤五爲三也。據左

傳林父生伯國、襄及孫嘉、孫嗣。  
後以戚叛如晉，遂絕嗣於衛。

獻公生成子當，當生文子拔，拔生朱，朱為公叔氏。  
檀弓正義

淇案：左傳及世族譜，拔俱作發，朱俱作戌，又正義引世本，朱作朮。

靈公生昭子郢，郢生文子木，及惠叔蘭，蘭生虎，為司寇氏。文子生簡子瑕，瑕生衛將軍文氏。  
檀弓正義

淇案：郢字子南，公孫彌牟字子之，見左傳及世族譜。文子木，氏姓篇作文子才，芳，惠叔蘭，即司寇惠子，見檀弓。瑕之後，有子南，固子南，勁，見竹書紀年。

公孟彊，靈公之子。  
左傳隱公八年正義

○字公孟，名彊。  
同上

淇案：彊是靈公子，不曰公子彊，而曰公孟者，世族譜謂襄公子孟絜無子，靈公以其子彊為之，故定公十二年左傳注云：彊孟絜子，正義所謂為後則為其子也。○字公孟五字，亦傳注文。

孔莊叔達生得閭叔穀，穀生成叔烝，烝生頃叔羅，羅生昭叔起，起生文叔圉，圉生悝。  
禮祭統正義

漢案孔氏者黃帝子姁姓之後也。成叔烝紐。卽孔成子。頃叔羅。世族譜作須叔羈。左傳亦作羈。

懿子兼生昭子舉。舉生趙陽。左傳定公十四年正義。

漢案此趙氏未詳何出。懿子兼卽趙鬻。見左傳。

### 右衛臣世

范氏。晉大夫隰叔之子。士蔦之後。士蔦生成伯缺。缺生武子會。會生文叔燮。燮生宣叔匄。匄生獻子鞅。鞅

生吉射。趙世家索隱。左傳。漢高祖。顏氏家訓。文公十三年正義。

漢案成伯缺。左傳作士穀。春秋分紀。胡杜伯生隰叔。隰叔生蔦。蔦生穀。穀生會。以隨爲氏。亦曰范氏。生二子。曰燮。曰魋。燮生匄。匄生鞅。鞅生吉射。及舉夷。魋生鬻裘。又會之。從弟穆子生渥濁。渥濁生弱。弱生伯瑕。丐生士彌牟。舉夷。史作舉繹。唐書宰相世系表。謂士會有子留於秦。生明。明生遠。遠生陽。陽十世孫生清。徙居沛。生仁。仁生儒。號執嘉。執嘉生四子。伯仲邦交。邦卽漢高祖也。此與左傳處者爲劉氏之說。疑皆劉歆輩所增。屬。

畢萬生芒。芒生季。季生武仲州。州生莊子降。降生獻子茶。茶生簡子取。取生襄子多。多生桓子駒。駒生文

侯斯。樂記。魏錡。讐孫。左傳宣公十年正義。二年正義。

傳曰。孺子痲。是魏駒之子。魏世家

索隱

淇案魏趙二系。傳寫多舛。魏世家索隱引。芒季作一人。降作絳。世家謂華公高之裔孫華萬。生武子。武子生悼子。悼子生昭子。絳生魏。贏。贏生獻子。獻子生侈。侈之孫曰桓子。桓子之孫曰文侯。都世族譜謂魏驪是華萬之孫。絳及錡。顛皆驪之子。獻子舒。是莊子絳之子。魏曼多是舒之孫。春秋分紀引世本。又謂舒生侈。侈生曼多。唐書世表。謂孺子生襄子。曼多生文子。須。須生桓子。諸說多不合。蓋互有脫誤也。居篇云。武子居魏。悼子徙霍。昭子徙安邑。則世家之說。非無所本。左傳正義謂計其年世。絳是驪孫。索隱亦謂卿大夫代脫悼子耳。今統計諸說。芒季似是一人。故世族譜云。驪是萬孫。史謂萬生武子。是史有脫也。州與讐驪。百字之異。昭子絳。即莊子降。荼。即舒。侈。即取。多。即曼多。皆字異也。蓋州生悼子。悼子生絳。及錡。顛。故云。錡是讐孫。譜以絳。錡為驪子。此譜有脫也。傳云。孺子痲。是駒之子。此即補世本脫文。索隱誤以侈為多。故謂世家與世本不合。侈。趙世家作哆。索隱云。哆。魏簡子系本名取也。魏贏不見經傳。左傳謂欒盈。佐絳於下軍。舒私焉。是其間不容更有一代。文子乃魏頡。頡是顛子。與須字形似。非曼多子也。此

二史之誤。

公明生共孟及趙夙。夙生成季衰。衰生宣孟盾。趙世家。趙夙為衰祖。穿為夙之曾孫。左傳宣公十年正義。景叔成。趙世家

索隱

索隱

趙桓子名嘉。襄子之子。魏世家。代成君子起。即襄子之子。趙世家

索隱

索隱

淇案言趙系者亦多不同。趙世家謂叔帶去周事晉文侯。五世而生趙夙。夙生公孟。公孟生衰。衰生盾。盾生朔。朔生文子武。武生景叔。景叔生簡子鞅。鞅生伯魯及襄子。桓子伯魯生代。成君周。周生澆。澆子毋恤。以澆爲太子。是爲獻侯。生烈侯。籍。左傳國語以衰爲夙弟。世族譜同。又謂穿是夙之庶孫。於趙盾爲從父昆弟。諸說各異。譙周古史考以共孟生衰爲誤。左傳正義引夙爲衰祖。二句亦謂世本轉寫多誤。其本未必然。索隱亦云系本以代成君爲襄子子。不云伯魯非也。推驗諸說。蓋公明生夙。夙生共孟。及成季。成季生盾。盾生朔。朔生武。武生成。成生鞅。鞅生伯魯及襄子。襄子生桓子。伯魯生代。成君。代成君生獻侯。趙穿當是共孟之子。庶長爲孟。故世族譜以穿爲夙之庶孫。於盾爲從父昆弟也。左傳正義既以夙爲衰祖。二語爲轉寫之誤。而文公十二年正義。又改易世族譜文。以穿爲趙盾從父昆弟之子。是郵而效矣。國語章注云。趙穿。趙夙之孫。趙盾從父昆弟武子穿也。

韓萬。是曲沃桓叔之子。萬生賅伯。賅伯生定伯簡。簡生與。與生獻子厥。

韓世家索隱。○左傳成公二年疏引云。桓叔生子萬。子萬生求伯。求伯生子與。子與生獻

子厥。缺定。伯一。宣子名秦。吳世家正義。

平子名頃。宣子子也。簡子名不信。莊子名庚。

韓世家索隱。

武子名啓章。康子之子。魏世

家索隱。景子名虔。韓世家索隱。

淇案韓世家。韓之先與周同姓。其苗裔事晉封于韓。原曰韓武子。後三世有韓厥。厥生宣子。宣子生貞子。貞子生簡子。簡子生莊子。莊子生康子。康子生武子。武子生景侯。史記於獻子以前不用世本說。非是。國語韓宣子拜叔向曰。自桓叔以下。嘉吾子之賜。

則世本說也。

晉大夫逝遨生桓伯林父林父生宣伯庚庚生獻伯偃偃生穆伯吳吳生寅本姓荀自荀偃將中軍晉改中軍曰中行因氏焉元與智氏同祖逝遨逝遨生莊子首首生武子瑩瑩生莊子朔朔生悼子盈盈生

文子櫟櫟生宣子申申生智伯瑤並見趙世家索隱程鄭荀氏別族左傳成公十八年正義

淇案逝遨不見經傳林父以前有荀息事晉獻公亦曰荀叔紀年曰獻公滅荀以賜大夫原氏黯是為荀叔黯息義相近逝遨荀其子歟將中行自文公蒐于被廬以林父將中行始偃以王父之官名為氏也左傳世族譜以盈為朔弟與此不同潛夫論謂豈

氏出於荀息國語韋注曰程鄭晉大夫荀驪之曾孫程季之子

孫伯爨生司空頡頡生南里叔子叔子生叔正官伯伯生司徒公公生曲沃正少襄襄生司空大伯伯生

侯季子季子生籍游游生談談生秦左傳昭公十五年正義

淇案潛夫論籍氏亦晉之公族也

郤豹生冀芮冀芮生缺缺生克豹又生義義生步揚步揚生州左傳成公十一年正義步揚生蒲城鵠居鵠居生至



淇案潛夫論氏姓篇以孫魘爲晉襄公孫。謂郟氏亦晉之公族。郟豹。晉語作郟叔。虎州。左傳作驪。春秋分紀云。豹生三子。曰稱。曰芮。曰義。芮生缺。缺生克。克生鍼。芮之從子曰步揚。步招。揚生二子曰驪。曰蒲城。鶴居。驪生三子。曰至。曰濛。曰毅。又云。世族譜缺豹及鶴居二人。列郟稱。步招。芮濛於雜人。其說與世本少異。潛夫論曰。芮從邑氏爲翼。後有呂鍼。號伯駒。郟驪。食采於苦。號苦成。叔郟至。食采於溫。號曰溫季。各以爲氏。說本左傳。

叔向兄弟有季夙。左傳昭公五年正義。

淇案世族譜。羊舌氏。晉之公族。羊舌其所食邑也。左傳謂羊舌職。事景公。佐中軍。尉。生子四。曰伯華。赤。曰叔向。盼。曰叔魚。緝。曰叔虎。正義據服氏注。疑夙卽虎。劉炫謂別有季夙。依此是叔向兄弟共五人矣。新唐書世系表曰。晉公子伯僑。生文。文生突。卽羊舌大夫也。突生職。職五子。

### 右晉臣世

爲艾獵。是叔敖之兄。馮是艾獵之子。左傳襄公十五年正義。

淇案新唐書。楚蚡冒生王子蔣。章。字無鉤。生蔣呂臣。呂臣生呂賈。賈生叔敖。後別爲孫氏。左傳杜注及世族譜。皆以艾獵叔敖爲一人。而襄公十五年注。又以子馮爲叔敖從子。是譜說實誤。善蔣賈生艾獵。叔敖。獵之後爲蔣氏。有蔣子馮。蔣掩。蔣固。蔣居等人。敖之後別爲孫氏。

屈蕩屈建之祖父

左傳襄公二十五年注

淇案王逸楚詞章句武王子瑕食采于屈後因氏焉。瑕即莫敖也。傳屈重屈完屈蕩蕩生到到生建到建之際。又別有屈蕩生屈申故魯襄公十五年楚康王以到爲莫敖。蕩爲連尹。至襄公二十五年以建爲令尹。蕩爲莫敖。春秋分紀引世族譜云屈申屈蕩

孫與集解之說自相違戾蓋譜之

屈蕩謂到父也二蕩字必有一誤

穆王生王子揚揚生尹尹生令尹

左傳昭公十七年正義

淇案春秋分紀王子陽生尹尹生句句生三子曰令終曰完曰佗昭公二十七年傳令尹子常殺陽令終與其弟完及佗世族譜誤以完佗爲令終子

葉公名諸梁楚大夫食邑于葉字子高

禮緇衣正義論語述而疏

淇案潛夫論左司馬戍者莊王之曾孫也葉公諸梁者戍之第三弟也弟疑子字之誤諸家皆以葉公爲戍子也唐書世系表謂尹戍出於聃季載

右楚臣世

子游子瑕並公孫夏之子

左傳昭公十年正義

淇案公孫夏卽鄭穆公之孫。襄子西也。其父武子驩。字子駟。故後爲駟氏。  
子游卽駟偃。子瑕卽駟乞。與定子駟帶皆夏之子。杜注以游爲帶之誤。

### 右鄭臣世



# 世本下

漢宋衷注

氏姓

淇案左傳隱公十一年正義引世本氏姓篇。史記集解於周秦本紀並稱應劭書引世本氏姓註。又集解引鄭駁五經異義云。世本之篇言姓則在上。言氏則在下。蓋皆據此為說也。

炎帝姜姓。水經渭水注。

○炎帝即神農氏。左傳昭公十七年正義。

帝堯為陶唐氏。書五子之歌正義。論語泰伯疏。

帝舜姚姓。左傳隱公八年正義。

右帝王氏姓

世本下

許州向申姜姓也。水經注。齊姜姓。左傳襄公十一年正義。以上炎帝裔。

黃帝二十五子得姓者十二人。春秋地名考略。任姓、謝章、薛舒、呂祝、終泉、畢過。左傳隱公十一年正義。王應麟急就篇補注。霍國真姓後。三代年表。

索隱。路史。燕姑姓。左傳隱公國名紀六。五年正義。

密須氏商時姑姓之國。通志氏族略。○路史國名紀一引云商有密須文王代之。

淇案國語黃帝之子二十五宗其得姓者十四人為十二姓姬酉祁已滕咸任荀偃姑媪依是也真卽歲之別猶已之為紀偃之為偃為釐嬴之為熊為盈姁之為弋也。以上黃帝裔。

己姓出自少皞。左傳昭公十七年正義。莒嬴姓自紀公以下為己姓。杜預氏族譜見左傳隱公二年正義。江黃皆嬴姓。陳杞世家索隱。徐奄皆嬴姓。左傳昭公

元年。路史國正義。淮夷嬴姓。名紀二。

鍾離嬴姓。史記秦本紀音義。與秦同祖。通志氏族略。

注云有姓終黎者。秦紀集解。

淇案秦本紀曰秦之先爲嬴姓其後分封以國爲姓有徐氏鄭氏葛氏終黎氏運奄氏菟裘氏將梁氏黃氏江氏修魚氏自冥氏蜚廉氏秦氏集解云徐廣曰世本作鍾離應劭曰氏姓注云有姓終黎者據此是除鍾離以外世本與本紀皆同其見引於傳注者此數國而已

蓼六皆偃姓

陳杞世家索隱

偃姓舒庸舒蓼舒鳩舒龍舒鮑舒龔

左傳文公十二年正義  
淇案蓼六乃英六之屬

○偃姓皋陶之後舒蓼楚東境小國

通志氏族略

舒鮑小國

路史國名紀二

淇案史記正義二引世紀謂皋陶生於曲阜之偃地故帝因之而賜姓曰偃路史引年代歷云皋陶少皞四世孫詩譜正義引尚書中候苗興云皋陶之苗爲秦劉向列女傳及曹大家傳注鄭康成詩譜高誘呂覽注王符潛夫論經典釋文詩書正義皆以伯益爲皋陶子章昭國語注柏翳少皞之後伯益也史記秦本紀云大業生大費是爲柏翳舜賜之嬴姓據諸說推之是皋陶乃伯益之父少昊氏之裔子也堯賜之以偃姓其後有英六羣舒益爲舜虞別賜嬴姓故毛詩正義及史記正義謂秦本紀之大業卽皋陶也自班氏誤解左傳及史記等文以皋陶庭堅爲一人謂蓼六皆皋陶後以秦爲出自顓頊後人或從之誤矣皋陶自出少昊其後爲六偃姓庭堅乃出顓頊其後爲蓼姬姓二國之姓並詳見世本索隱因偃姓後有舒蓼遂誤合蓼與舒蓼爲一以附會班杜之說謂蓼亦偃姓尤誤潛夫論以皋陶爲八凱後嗣史記黥布傳正義謂英後改名爲蓼亦非是

郟允姓之國

春秋釋例盟會圖  
路史國名紀二

棋案允姓乃允格之後後  
爲尹氏 以上少昊裔

蓼姬姓路史後紀  
八國名三

昆吾古已姓之國夏時諸侯伯祝融之後通志氏  
族略

偃陽妘姓祝融之孫陸終第四子求言之後左傳襄公  
十年疏夷妘姓左傳隱公  
元年疏郕爲妘姓左傳昭公十八年疏寒邳姓路  
史後紀六卷注

國名  
紀六 邾小邾曹姓左傳襄公  
十一年疏

越爲芈姓與楚同祖漢書地理志臣瓚音義東越閩君皆其後玉海王會  
篇補注羅熊姓左傳桓公十  
二年正義胡子國歸姓陳杞世  
家索隱

路史國  
名紀六

淇案左傳蓼乃高陽氏才子庭堅之後初學記引帝王世紀御覽引古史考皆以帝高陽爲姬姓庭堅之蓼亦襲其祖姓耳已妘  
曹芈四姓皆吳回之裔古有百越故東越閩君與楚同祖非禹後妘姓會稽之越也故外傳鄭語有芈姓蠻越及蠻芈之說韋昭  
國語注杜氏世族譜據此並疑會稽之越亦非禹後實誤羅國是楚之別封熊乃初氏胡國是蠻之別封以國爲姓也世族譜引  
芈姓蠻越作歸越漢書地理志云秭歸縣歸鄉故歸國水經注引樂緯曰昔歸典協聲律蓋襲歸古字通也路史又以歸生之芈



妃陳媯圭媯，皆姓媯。潛夫論曰：歸姓胡，何不云帝舜後？古書亦無有以胡爲舜後者。

宋衷曰：歸卽夔。水經江水注。

淇案：夏時侯伯祝融之孫，與楚同祖，東越閩君等。文當亦傳注稱引者約言之也。以上顯頊裔。

豕韋防姓。史記夏本紀索隱。路史國名紀四。

淇案：防房古字通。國語：廣韻紀年沈約注：唐書世系表，皆謂舜封丹朱於房地，卽春秋時之防渚。十三州志所謂防卽房陵也。夏孔甲時廢彭姓之豕韋，以丹朱裔子劉累代之。累必生於房，故因生賜姓而氏曰御龍。此非祝融彭姓之豕韋矣。以上帝堯裔。

姒姓有南氏、斟鄩氏、弗氏、斟灌氏。夏本紀。索隱。彤、姒姓。書顧命正義。杞、姒姓。左傳襄公十一年正義。有扈與夏同姓。書甘誓正義。郇、姒姓。子

爵。通志氏族略。莘國、姒姓。周本紀索隱。

○姒姓夏禹之後。太平寰宇記二十八。世本言姓卽在上，言氏卽在下。一切經音義六。○案此二語，鄭駁五經異義亦引之。莘，卽散宜生求有莘美

女獻紂者。周本紀索隱。文王妃家。路史國名四。

世本下

淇案夏本紀贊云。禹爲姁姓。其後分封以國爲姓。故有夏后氏。有扈氏。有男氏。斟尋氏。形成氏。褒氏。費氏。杞氏。繒氏。辛氏。冥氏。斟氏。戈氏。索隱謂系本男作南。尋作鄂。費作弗。而不云形城及褒。又云斟戈氏。系本云斟灌氏。據此是本紀所稱世本。止缺褒氏。觀諸書所引可見。以上夏后裔。

子姓。殷時來。宋空同。黎比。髦。目夷。蕭。產傳隱公元年正義。劫。段。瓦。鐵。路史國名紀四。○路史云。黎比。髦。劫。段。瓦。鐵。七國。皆子姓。出世本。黎比。髦。已見上。故不復錄。鬪者。子姓也。

元和姓纂。髦氏。時氏。蕭氏。黎氏。殷本紀索隱。空同氏。子姓。通志氏族略。○路史國名紀四引作空桐。目夷氏。路史後紀十卷注。

鄧曼姓。左傳桓公七年正義。

淇案殷本紀云。契爲子姓。其後分封以國爲姓。有殷氏。來氏。宋氏。空桐氏。稚氏。北殷氏。目夷氏。索隱謂世本無稚氏。北殷氏。作髦氏。是此外二書同矣。據左傳正義。姓纂。路史所引。則史公之書尚多脫略。三書專舉國名。不並引氏字。故又取其同者證焉。廣韻。路史謂武丁封叔父於鄧之曼城。則鄧亦子姓之別封矣。以上殷湯裔。

召。芮。畢。衛。毛。姬姓。書顧命正義。息。姬姓。左傳隱公十四年正義。隨。姬姓。左傳桓公六年正義。○穀梁傳。僖公十年疏引云。隨是國名。荀。賈。皆姬姓。桓公九年正義。晉。魯。衛。鄭。

曹。滕。姬姓。左傳襄公十年正義。鮮。虞。姬姓。穀梁傳昭公十二年疏。沈。姬姓。史記陳杞世家索隱。唐。姬姓之國也。楚世家正義。密。姬姓之國也。漢書地理志臣瓚注。霍。姬

姓。路史國名紀六。六姬姓。路史國名紀七。

棋案六。本舉陶之後。僂姓國。此云姬姓者。必楚人滅六後。復封姬姓者處之。猶鮮虞本子姓國。後改名中山。魏文侯滅之以處姬姓也。以上周裔。

巴子國子孫以國為氏。通志氏族略。玉海姓氏急就章注。

○巴郡蠻本有五姓。廩君之先。故出巫誕也。後漢書南蠻傳及章懷太子注。廩君名務相。姓巴氏。太平御覽三十七及七百六十九。太平寰宇記一百四十七並

引之。與樊氏、譚氏、相氏、鄭氏皆出于武落鍾離山。後漢書。山有二穴。其一色赤。其一色黑。如丹漆狀。寶宇記。巴氏

之子。生于赤穴。四姓之子。生于黑穴。五姓未有君長。俱事鬼神。後漢書。皆登呼躍穴屋。擲劍刺之。寶宇記。約能

中者。奉以為君。巴氏子務相。乃獨中之。眾皆歎。後漢書。又各令以上為船。雕文畫之。而浮于水內。約船浮

者。神以為君。他姓船不能浮。獨廩君船浮。北堂書鈔事類賦注及御覽。因共立之。是為廩君。乃乘土船。從夷水至鹽陽。

鹽陽有神女謂廩君曰。此地廣大。魚鹽所出。願留共居。廩君不許。鹽神莫輒來取。宿旦即化為蟲。與諸

蟲羣飛掩蔽日光。天地晦冥十餘日。廩君思其使。後漢書操青縷以遺鹽神曰：「嬰此即相宜。」云與女俱生。

宜將去。鹽神受縷而嬰之。廩君即立陽石上。應青縷而射之。中鹽神。鹽神死。天乃大開。章懷太子漢書注廩君子

是君乎夷城。

淇案諸書引此傳注多刪節之。故語各不同。今取其文義顯著者。比次之。巫誕。寔字記作巫蜃。巴氏。或誤作已氏。非是。據海內經。大鱗生成鳥。咸鳥生乘釐。乘釐生後照。後照是始為巴人。則巴乃太昊風姓之後。而左傳楚共王妾曰巴姬。則巴又姬姓之別。常璠巴志謂五帝以來。黃帝顓頊之支庶。世為巴君。案黃顓皆姬姓也。未審此巴人是風姓或姬姓矣。故附於末。滑夫論又謂三巴皆嬴姓。

### 右侯國氏姓

融姓。古天子祝融之後。廣韻

西陵氏。春秋時有大夫西陵羔。元和姓纂。路史國名紀六。

淇案西陵氏。雷姓。炎帝神農氏之諸侯也。帝繫曰：黃帝娶于西陵氏之子。謂之嫫祖。嫫。史記五帝本紀作嫫。漢書古今人表作翳。山海經作雷。蓋雷姓祖名也。禹貢：山有雷首。齊有雷夏。穆天子傳有雷水。是亦因生賜姓者。又黃帝時有雷伯。見素問。殷之末世。

有雷開見楚詞晉獻公時有彘虎見左氏內外傳此則以雷爲氏者韋昭國語注引  
帝繫說謂方雷是西陵之姓雷彘同此誤合黃帝二妃方雷氏與西陵氏爲一人也

詹葛氏有熊之後宋景公時有詹葛祈爲大夫元和姓錄

囂氏元囂之後通志氏族略

過氏任姓夏諸侯後爲氏

夏奚仲封薛周有薛侯後爲氏

融夷氏祝融後董父之允以融夷爲氏並見玉海姓氏急就章注○融夷即腹夷

參氏祝融之後廣韻陸終第二子參胡氏族略

偃陽妘姓國爲晉所滅子孫因氏焉廣韻

安是氏老童娶安是女元和姓錄

淇案此條字多譌舛。帝系云：老童娶于根水氏，謂之騶福。又云其五曰安，是為曹姓。安字絕句，與是字不屬，並無所謂安是也。古文是氏通，上是字蓋衍文。娶安是女，必孫安之後四字之誤也。

媯氏。帝舜之後，舜生媯汭，子孫氏焉。同上。

鍾離氏與秦同祖，其後因封為氏。廣韻。以上古帝臣裔。

曾氏。夏少康封其少子曲烈于郟，襄六年莒滅之，太子巫仕魯，去邑為曾氏。通志氏族略。

夏時有武羅國，其後氏焉。廣韻。

黎氏。黎侯國之後。姓氏急就章。

右史氏。古者右史記事，周有右史武。通志氏族略。

太公叔穎。廣韻。

季隨氏。元和姓考。晉有祁邑大夫季瓜忽，宋有季隨逢，周八士季隨季駒之後。廣韻。

司城氏。陳哀公子邾勝之後。

鬬門氏。陳鬬父之後。楚大夫有鬬門陽。

以上陳臣裔。

右師氏。宋莊公生公子中世爲右師。因氏焉。

宋戴公生東鄉克孫樂喜爲司城氏。案克乃戴公元孫此文少誤。

子蕩氏。宋威公生子蕩。因氏焉。

不夷氏。宋大夫不夷甫須之後。並元和姓纂。

宋襄公子墨夷須爲大司馬。其後有墨夷臯。

案襄公時大司馬卽公之弟目夷。字子魚。後爲魚氏。目夷氏繼子魚爲司馬者。則莊公之孫固也。成公昭公之時。樂豫公子印華耦爲司馬。文公共公之時。蕩虺蕩山爲司馬。三傳無墨夷爲司馬之事。潛夫論謂宋後有目夷氏。不夷氏亦無墨夷氏。左傳謂

襄公孫有孔叔及公孫鍾離。不言誰之子。又謂文公使母弟須爲司城。此須乃襄公孫。

勃氏。宋右師之後。

宋有大夫考成方。

宋大夫西鉏吾。

楚大夫公朱高。出宋公子朱。路史後紀十卷注。

東鄉氏。宋東鄉爲人之後。

西鄉氏。宋大夫西鄉錯之後。

子革氏。宋司城子革之後。

季老氏。宋華氏。有華季老子孫氏焉。

泥氏。宋大夫卑泥之後。



甫爽氏宋大夫甫爽之後  
以上宋臣裔。

孝公生惠伯革。其後爲厚氏。檀弓正義。

昭伯名惡。魯孝公之後稱厚氏。史記魯世家索隱。

淇案潛夫論作后氏。左傳及史記作郈氏。鄭康成檀弓注云。后本孝公子惠伯鞏之後。杜元凱世族譜云。郈成叔。厚孫也。孝公八世孫。然則厚與后郈同矣。

少施氏。魯惠公子施父之後。

述氏。魯大夫仲述之後。

鼓方氏。鼓方叔之後。並通志氏族略。

季平子支孫爲子革氏。

季桓子生穆叔。其後爲子楊氏。並元和姓纂。

魯大夫公之文。廣韻。

淇案潛夫論有施氏子陽氏公之氏皆魯後以上魯臣裔

齊公子成之後有公牽氏。

魯大夫齊季窺昔齊子季奔楚楚遂號齊季氏。

齊大夫長孫修食采于唐其孫仕晉後號唐孫氏。

賜氏齊大夫簡子賜之後。

尹文氏齊大夫尹文子著書五篇。

車遽氏齊臨淄大夫車門遽。並廣韻。

子工氏齊頃公之子公子子工之後。

子獻氏陳桓子孫子獻之後。

子陶氏陳嬀子生陳邠子陶意茲因氏焉。

子芒氏。陳僖子生子芒盈。因氏焉。並元和姓纂。

淵氏。齊大夫淵湫之後。玉海急就篇注。○廣韻引無淵氏之後四字。

子泉氏。齊頃公之子公子湫。字子泉之後。

淇案公子湫不見經傳。子泉卽子淵。唐人諱淵爲泉也。廣韻所引淵湫疑卽此人。世本文當是子淵湫。故潛夫論齊後有子淵氏。無淵氏及子泉氏也。左傳有公孫捷爲頃公之孫。一曰子淵捷。字子車。當卽湫之子。蓋氏其父字。

子乾氏。齊公子都字子乾之後。

子占氏。陳桓子生書字子占之後。

廩邱氏。齊大夫廩邱子之後。並通志氏族略。

子穆氏。僖子子子穆安後。子穆安。當作穆子安。

子沮氏。烈子後。並路史後紀十。

虞邱氏。

梁邱氏。並路史國名紀一。以上齊臣裔。

承姓。衛大夫成叔承之後。後漢書承宮傳注。

史晁氏。衛史晁之後。通志。衛有史朝朱駒。廣韻。

子彊氏。衛公族昭子郢之後。元和姓纂。

將軍氏。衛靈公之子公子郢。生文子才芳。為將軍氏。一本之作昭。

司寇氏。衛靈公之子公子郢之後。郢之子孫為衛司寇。以官為氏。

彊梁氏。衛將軍文子生慎子會。會生彊梁。因氏焉。並通志氏族略。

常氏。老子師常從。

仇氏衛後。並路史國名紀六。以上衛臣裔。

晉大夫司功景子。其先士匄弟也。因官氏焉。周有太史司功駑。廣韻引云士匄弟佗。爲晉司功。因官爲氏。

晉荀逝敖生桓子林。父將中行。爲中行氏。

季嬰氏。晉樓季嬰之後。

伯宗氏。晉孫伯起生伯宗。因氏焉。

淇案韋昭國語注云。伯宗晉大夫孫伯糾之子。此云伯起。未知孰是。左傳謂籍氏之高祖孫伯鬻。與辛有之二子。同司晉之典籍。故曰籍氏。潛夫論謂伯氏。鬻氏。狐氏。羊舌氏。季夙氏。籍氏。及襄公之孫孫鬻。皆晉姬姓也。案鬻之八世孫籍偃。事晉悼公爲輿司馬。見國語。悼爲襄公之曾孫。則孫鬻非襄公孫明甚。且籍氏卽鬻之後。於文不得稱籍氏。及鬻皆姬姓也。潛夫論書世無善本。其言每錯亂乖舛。而氏姓篇尤甚。篇內又有伯宗以直見殺。其子州黎奔楚之文。驛在邠氏條內。尋服文義。孫鬻當是孫糾孫起之誤。伯宗事景公而死於厲公之難。於世次亦略合。要之伯氏籍氏皆晉公族也。此云伯宗氏。似亦少誤。祖父之名。禮所當諱。斷無以先世之名稱爲氏者。穀梁傳作伯尊。豈尊其名而宗其字歟。唐書世系表謂宗氏出於子姓。宋襄公母弟敖仕晉。孫伯宗生州是。鞞非。

叔夙氏。羊舌職生叔夙。爲叔夙氏。

叔向氏。晉羊舌肸字叔向。因氏焉。

莢氏。晉大夫莢成儔子。

並元和姓纂。○莢成姓氏。急就章注引作莢時。

李夙氏。晉靖侯孫季夙之後。

大戊氏。晉公子大戊教昭爲原大夫。

韓言氏。姬姓。晉韓厥生無忌。無忌生襄。襄生子魚。爲韓言氏。

子魚。元和姓纂引作魯。潛夫論韓後有韓氏言氏。

韓餘氏。韓宣子餘子之後。因氏焉。

大狐氏。晉大夫大狐伯生突生饒。爲大狐氏。其後大狐容爲晉大夫。

路史後紀十卷注云。世本有大狐氏。小狐氏。漆爲大狐氏。射姑爲小狐氏。大狐容卽大戎氏云。

狐邱氏。晉大夫狐邱林之後。

邠州氏。晉邠豹孫步揚生州。因氏焉。並通志氏族略。

晉有高人隱于北唐。因以爲氏。

晉蒲邑大夫公佗世卿。

晉大夫下門聽。

小狐氏。

大戎氏。並路史後紀十卷注。以上晉臣裔。

楚季氏。楚若敖生楚季。因氏焉。陳大夫有楚季融。

季融氏。楚鬪廉生季融。子孫氏焉。

子午氏。楚公子午之後。齊大夫有子午明。並元和姓纂。

它氏。楚平王孫有田公它成。楊倞荀子注。○急就章注引作楚成王孫。

鬪強氏。芈姓。若敖生鬪強。因氏焉。

鬬班氏。芈姓。鬬彊生班。因氏焉。

慶氏。楚大夫慶父之後。慶籍爲楚工正。

伍氏。楚伍參之後。支孫以爲氏。

恆氏。楚大夫恆思公之後。並通志

楚大夫涉其帑。廣韻

淇案涉其帑見左傳。楚王奔隨。將涉于成。白藍尹麇涉其帑。不與王舟說者謂尹以舟渡其妻子而不與王也。依世本則麇與帑爲二人矣。以上楚臣裔。

大季氏。鄭穆公生大季子孔志父之後。

馮姬姓。鄭大夫馮簡子之後。並元和姓纂。通志引此。姬作歸。

鄭有子師僕。廣韻。○姓纂引此作師子僕。



去疾氏。鄭穆公子去疾之後。去疾字子良。又有良氏。通志。

鄭大夫封父彌真。路史後紀四卷注。以上鄭臣裔。

秦公子金之後。有公金氏。廣韻。

仲行氏。秦三良仲行之後。通志。以上秦臣裔。

燕惠公族羗子孫憲。爲邵皓氏。

淇案此條字多譌舛。邵皓自是燕後。潛夫論有羌憲氏。衛後恐二氏誤并爲一。

魏公族有差師氏。並元和姓纂。

何氏。

註云。韓後。周本紀集解。

棋案潛夫論何氏歸姓。與胡有同出于變。乃華姓之別。集解云。世本注以何性為韓後。未詳注說何本。以上燕魏韓裔。

右卿大夫氏姓

君新鄒

路史國名紀

蟪疵

史記仲尼弟子列傳案

○乘睢古賢人

通志

棋案通志所引當

是注文詳下作篇

諡法

玉海五十四引中興書目云沈約諡法十卷案約序云大戴禮及世本舊並有諡法二書傳至約時已亡其篇杜佑通典鄭樵通志蘇洵諡法羅泌路史亦謂世本大戴禮有諡法篇今考漢唐以後書傳無引世本諡法者禮記諡法見於白虎通路史者數條尚書正義云大戴禮出於世本然則戴記之諡法卽世本之諡法矣今備錄如左

昔周公旦太公望相嗣王以制諡法路史發揮五

德象天地稱帝仁義所生稱王白虎通號篇翼善傳聖曰堯仁聖盛明曰舜慈惠愛民曰文強理勁直曰武白虎通諡

篇引此曰上俱衍諡字今據太平御覽五百四十二卷引刪

淇案諡法本周書篇名世本卽取於周書而損益之故有堯舜等諡大戴氏又取於世本耳兩漢之際有作廣諡者更增以禹湯桀紂蔡邕獨斷取桀紂二諡而不及禹湯杜預春秋釋例取湯而佚禹宋裴駟史記集解始通錄之矣然堯舜禹湯桀紂六諡俱非周書之舊馬季長尚書注止采取世本禮記故云俗儒以湯爲諡以禹爲名然皆不在諡法蓋漢時戴記列於學宮故經傳可取以爲訓禹湯桀紂四諡不列於二書故斥曰俗儒也路史謂杜預取周書諡法納之釋例增之以湯世重出之謂之春秋諡法今史記正義所錄正與此言相符然則釋例取於周書正義又取於釋例也至文字或少有同異諡品或更有多寡此則轉寫多誤所見異詞抑稱述者自爲義耳

居

淇案史記吳世家魏世家索隱並引世本居篇。

舜居饒內。水經沔水注。海地理通釋四。

○在漢中西城縣。或言媯虛。在西北。舜之居。水經沔水注。前漢書地理志應劭注。

淇案饒內。卽媯汭。國語作羸內。近本水經注刊本。俱作媯汭。玉海引水經注作饒內。通典金州西城縣下。引世本作饒汭。路史國名亦引作饒汭也。蓋古文本作饒內。後之刊水經者。改從媯汭。

禹都陽城。漢書地理志臣瓚注。史記封禪書正義。

淇案帝王世紀引此。作夏后居陽城。見太平御覽一百五十五。禮記緇衣正義引作禹都咸陽。並誤。

契居蕃。水經渭水注。路史後紀十及國名紀三。

昭明居砥石。商書序正義。玉海。

相土徙商邱。

太甲徙上司馬。帝王世紀。見御覽一百五十五卷。

宋衷曰。相土就契封于商。春秋傳曰。闕伯居商邱。相土因之。殷本紀。宋世家。集解。上司馬在鄴西。

南。帝王世紀  
○見御覽。

淇案世紀久不傳。見於御覽者。每多脫誤。如一百五十五卷載世紀引世本。契大居番。相徙商邱。當是契居番。相土徙商邱也。又載紀引世本日。太甲從上司馬在鄴西南。從當是徙字之譌也。士安既引世本說。又辨之曰。案詩書。太甲無遷都之文。桐宮共在斯乎。蓋疑書之桐宮在此地矣。路史國名紀。謂鄴乃上甲徵之所居。今湯陰有司馬泊司馬村。世紀云。太甲蓋以鄴西桐有離宮。商之墓地。故纒以上甲爲太甲爾。淇案羅氏以太甲爲上甲甚是。據竹書紀年。殷在鄴之西南四十里。夏后帝芒三十三年。商侯遷于殷。故帝泄紀曰。殷侯子亥。殷侯微。微卽上甲徵也。微既處殷。或又營其地之名。司馬者以爲下都。故曰上甲徙司馬。晉初世本轉寫多誤。士安據之。遂曰太甲徙上司馬。且載於成湯居亳之後。羅氏議之是矣。然羅謂鄴西桐有離宮。商之墓地。此仍附會士安之說。未爲完善。考鄴西之地。古無桐名。桐乃相字之誤。書序曰。河亶甲居相。相卽在此。所謂商之墓地。卽河亶甲等墓。路史所云在洹水南岸。元豐閒爲水所圯者是也。古書傳鈔。必又有誤。此相字爲桐者。故羅氏又附會爲此說。蓋亦誤也。

武王在鄴都賦注。懿王徙犬邱文選西。  
帝王世紀。詩譜正義。

宋衷曰。懿王自鎬徙邠。犬邱。一曰廢邱。今槐里是也。  
周本紀。索隱。

周公居少昊之虛。煬公徙魯。  
魯世家集解。詩經地理考。

宋衷曰。今魯國。  
魯世家集解。

召公居北燕。燕世家集解。桓侯徙臨易。燕世家索隱。

宋衷曰。有南燕。故云北燕。燕世家集解。臨易。今河閒易縣是也。索隱。

吳孰哉居藩籬。孰姑徙句吳。吳世家索隱。文選魏都賦注。諸樊徙吳。吳世家集解。

宋衷曰。孰哉。仲雍字。藩籬。今吳之餘暨也。孰姑。壽夢也。吳世家索隱。句吳。太伯始所居地名。集解。

叔度居上蔡。管蔡世家集解。

宋衷曰。胡徙居新蔡。平侯徙下蔡。同上。

戴公居漕。路史國名紀五。成公徙濮陽。衛世家索隱。

宋衷曰。康叔從康徙封衛。衛卽殷虛定昌之地。畿內之康。不知所在也。濮陽。帝邱地名。同上。

淇案宋注則戴公上當有康叔居衛等文。

唐叔虞居鄂。晉世家集解。

宋衷曰。鄂地。今在大夏。同上。

鄭桓公居械林。徙拾。文公徙鄭。鄭世家索隱。

宋衷曰。械林與拾。皆舊地名。鄭卽新鄭也。同上。櫟。今潁川陽翟縣。鄭世家集解。

淇案械林。在涇西。詩譜誤作咸林。謂在京兆鄭縣。拾乃洛字之誤。卽竹書紀年命王子多父居洛之洛。謂西洛也。洛拾二字文相似。故誤。據宋注文公徙鄭。上當有厲公居櫟等文。

楚鬻熊居丹陽。武王徙郢。左傳桓公二年正義。

宋衷曰。丹陽在南郡枝江縣。南郡江陵縣北有郢城。同上。

邾顏居邾。肥徙邾。左傳莊公五年正義。

宋衷曰。邾顏別封小子肥于邾。爲小邾子。同上。

畢萬居魏。漢書高帝紀臣瓚注。魏武子居魏。悼子徙霍。魏世家索隱。昭子徙安邑。臣瓚漢書注。

宋衷曰。霍地名。今河東絳縣也。魏世家索隱。

景子居平陽。韓世家索隱。

宋衷曰。今河東平陽縣。同上。

成季徙原。趙世家索隱。

宋衷曰。今鴈門平原縣也。同上。

中山武公居顧。桓公徙靈壽。同上。

西周桓公名揭。居河南。東周惠公名班。居洛陽。周本紀索隱。



作

淇案鄭康成周官校人注禮記明堂位注並引世本作云正義曰世本書名有作篇其篇記諸作事

燧人造火。一切經音義一卷九卷十五卷並引之。○禮記禮運疏引作燧人出火。

伏羲制儷皮嫁娶之禮。月令正義。

伏羲造琴瑟。孝經六正義。

○伏羲氏削桐爲琴。面圓法天。底平象地。龍池八寸通八風。鳳池四寸象四時。五弦象五行。長七尺二寸。以修身理性。反天真也。達靈成性。象物昭功也。通鑑音釋。宓義作瑟。八尺一寸。四十五弦。黃帝書。泰帝使

素女鼓瑟而悲。帝禁不止。故破其瑟爲二十五絃。風俗通聲音篇。其二均聲。爾雅釋樂疏。瑟潔也。使人清潔于心。漉一

于行也。北堂書鈔及潛確類書釋史並引之。

棋案初學記十六引琴操曰。伏犧作琴。以修身理性。反其天真也。說卽本此。廣雅曰。伏犧氏琴長七尺二寸。上有五弦。曹憲注云。見世本。爾雅釋樂疏。通志樂略。路史後紀一二注引世本。並云。庖犧氏作瑟五十絃。黃帝使素女鼓之。哀不自勝。乃破爲二十五絃。具二均聲。與風俗通少異。

芒作網。太平御覽八百三十四。

芒氏作羅。路史後紀一卷注。

宋衷曰。芒。庖犧臣。御覽。○廣韻引云。庖犧臣。芒作网。合紀注約言之也。

女媧作笙簧。明堂位。鄭注。

宋均曰。女媧。黃帝臣也。文選長笛賦注。路史後紀二卷注。

隨作竽。廣韻。文選。吳都賦注。

隨作笙。風俗通及漢書律曆志。鄭勸注。

宋衷曰。隨女媧氏之臣。路史後紀二卷注。

神農作琴。風俗通。初學記十六。神農作瑟。山海經十八注。

○神農氏琴長三尺六寸六分。上有五弦。曰宮商角徵羽。文王增二弦。曰少宮少商。廣韻曹注。

淇案爾雅釋樂。琴瑟鐘鼓笙簫塤磬。皆大小殊稱。故世本之言作也。一物或更數人。蓋度之短長。數之多寡。各不同矣。觀於伏羲神農二聖之作。餘可類悟。或疑風俗通及山海經注。稱引互異。說者謂應說是而郭氏非。此不然也。廣雅注及孝經正義所引。即

其明證。

巫彭作醫。山海經十一注。

垂作規矩準繩。玉篇。垂作耒。韻。垂作耜。廣韻。垂作耨。左傳僖公三十三年正義。爾雅釋樂疏。垂作銚。詩臣工正義。太平御覽八百二十四。

宋衷曰。垂神農臣。農桑輯要一。銚刈也。詩臣工正義。

蚩尤以金作兵器。廣韻。

宋衷曰蚩尤神農臣也。太平御覽二百七十蚩尤作五兵。戈、矛、戟、酋矛、夷矛。黃帝誅之涿鹿之野。路史後紀四卷注涿鹿在彭

城南。漢書郡國志補注。太平御覽一百五十五。

宿沙作煮鹽。太平御覽八百六十五。

○宿沙氏炎帝之諸侯。今安邑東南十里有鹽宗廟。路史後紀四卷注。○案路史注所引亦傳注文也。未詳出誰氏。

宋衷曰宿沙衛齊靈公臣。齊濱海。故得為魚鹽之利。御覽。

右三皇時制作

棋案春秋運斗樞以慮羲、女媧、神農為三皇。鄭康成注尚書中候救省圖從其說。仲子注以隨為女媧臣。是女媧實古之人君矣。宋均以祝融氏為皇。故此注以女媧為黃帝臣。其說未確。

黃帝造火食旃冕。禮記目錄正義。

宋均曰通帛為旃。太平御覽六百八十六。

宋衷曰。冕冠之有旒者。左傳桓公二年正義。

淇案旒冕本二物。故廣韻及御覽三百四十。並引黃帝作旒。而御覽六百八十六。又引黃帝作旒冕。下載宋均注云。通帛爲旒。冕冠之有旒者。似旒冕是一物矣。以左傳正義證之。知旒乃旒字之誤。且誤以仲子說爲均注也。儀禮士冠禮疏。乃引云黃帝作冕旒。此又因注文而誤增者。應劭漢書注云。周始垂旒。此卽駁仲子說。

黃帝作寶鼎三。徐常吉事詞類奇十七。

○天地人象三才。同上。

黃帝使羲和占日。常儀占月。史區占星氣。伶倫造律呂。大撓作甲子。隸首作算數。容成綜此六術。著調歷。

史記歷書索隱。

宋衷曰。皆黃帝史官也。左傳序疏。黃帝世伶倫作樂說之。一切經音義六。

黃帝使伶倫造磬。事詞類奇十。倕作鍾。廣韻。

○垂黃帝工人。玉海及通志樂略。鍾酒器。爾雅釋文。

沮誦蒼頡作書。廣韻○周官外史正義引云蒼頡作文字。

宋衷曰黃帝之世始立史官蒼頡沮誦居其職。初學記二十二。為黃帝左右史。唐六典注。

史皇作圖。文選宣貴妃誄注。御覽七百五十。藝文類聚引作史皇作畫。

宋衷曰史皇黃帝臣也。圖謂畫物象也。文選注。史皇蒼頡同階。路史發揮。

伯余制衣裳。高誘淮南子汜論訓注。○路史後紀七卷注引云伯余作衣裳。胡曹作冕。左傳昭公二十四年正義。胡曹作衣。廣韻。

胡曹黃帝臣。左傳正義。

於則作屣履。事物紀原。路史後紀五卷注。初學記二十六。

宋衷曰於則黃帝臣草屣曰屣麻皮曰履。廣韻。事物紀原。太平御覽六百九十七。

雍父作春。廣韻雍父作杵。曰同上。○一切經音義十  
八引云。雍父作春杵。

宋衷曰。雍父。黃帝臣也。太平御覽  
八百二十。

淇案玉篇引云。雍父作白。路史餘  
論二引云。雍父踐春。爲黃帝之佐。

夷牟作矢。揮作弓。山海經十八注。  
楊倞荀子解蔽注。

宋衷曰。夷牟。揮。皆黃帝臣也。初學記二十二。  
通鑿音釋。

胘作服牛。初學記二十九。  
御覽八百九十九。

注云。胘。黃帝臣也。能駕牛。初學  
記。少昊時人始駕牛。御  
覽。

共鼓貨狄作舟。山海經十八注。  
廣韻。○貨狄。通鑿音釋引作  
化狐。一切經音義二十七引舟下並有船字。

○二人並黃帝臣。廣  
韻。古者觀落葉以爲舟。唐類函舟部。  
事詞類奇十七。

烏曹作博。文選博奕論注。○博廣韻引作簿。

祝融作市。玉篇廣韻。

宋衷曰。祝融。顓頊臣。為高辛氏火正。初學記二十四。

堯修黃帝樂名咸池。禮樂記疏。

堯使禹作宮室。太平御覽一百七十三。爾雅釋文。

鯀作城郭。禮記祭法正義。○水經河水注引云。鯀作城。廣韻引云。鯀作郭。

伯夷作刑。北堂書鈔。皋陶制五刑。路史後紀七卷注。

咎繇作耒耜。太平御覽八百二十三。○繇。舊譌作繇。

后益作占歲之法。北堂書鈔。太平御覽十七。○玉海引。后益作歲本。



化益作井。周易釋文。

宋衷曰：化益，伯益也。堯臣。同上。

淇案：太平御覽一百八十九引云：伯益作井，蓋合注文言之也。史記秦本紀索隱路史後紀八卷俱云：世本作化益，困學紀聞原注亦引云：化益作井。

巫咸作筮。周禮龜人注。巫咸作鼓。王應麟急就章補注。巫咸作鬻。玉海。

宋衷曰：巫咸，堯臣也。以鴻術爲帝堯之醫。太平御覽七百二十一。

夷作鼓。藝文類聚鼓部。通志樂略。

毋句作磬。風俗通。山海經十八注。廣雅注。○明堂位注引云：無句作磬。古文毋無通。

○毋句堯臣也。廣雅注。初學記十六。

舜造簫。文獻通考。通志樂略。

○其形參差象鳳翼。管長二尺。文獻通考。路史後紀十二卷注。

夔作樂。初學記十五。垂作鐘。明堂位注。風俗通。山海經注十八。

○垂舜臣。廣雅注。

叔造磬。通志樂略。

○叔舜時人。文選長笛賦注。

右五帝時制作

儀狄始作酒醪變五味。初學記二十六。太平御覽八百四十三。事類賦注。

○儀狄夏禹之臣。書酒誥正義。

少康作箕帚。廣韻。御覽七百六十五。杜康造酒。書酒誥正義。少康作秫酒。初學記二十六。御覽八百四十三。

季杼作甲。杼作矛。路史後紀十四注。

宋衷曰。少康子與。太平御覽三百五十五。初學記二十二。名杼也。書費誓正義。甲鎧也。御覽同上。

淇案書費誓正義。詩叔子田正義。引云。杼作甲。夏本紀索隱引云。季杼作甲。初學記二十二。引云。與作甲。此合紀與注約言之也。

奚仲作車。山海經十八注。文選演連珠注。後漢書輿服志注。臘作駕。潛漢類書九十。相土作乘馬。周禮校人注。荀子解蔽注。

淇案荀子曰。乘杜作乘馬。乘杜即相土也。周人祀爲馬社。陳氏書所引之臘。未詳何氏。呂覽曰。乘。雅作駕。臘字。疑即雅字之譌。蓋譌雅作睢。又譌睢作臘也。通志氏族略引世本云。乘睢。古賢人。當即此處注文。楊倞荀子注。謂乘杜乘雅。皆相土也。

昆吾作陶。史記龜策傳索隱。

○夏臣昆吾者。更增加也。一切經音義十四十八。

逢蒙作射。廣韻。藝文類聚七十四。

微作禡五祀。太平御覽五百二十九。○路史餘論四引作湯五祀。

○微者。殷王八世孫也。禡者。強死鬼也。謂時儼索室驅疫。逐強死鬼也。五者。謂門戶及井竈中雷。上。同。

紂作玉牀。太平御覽七百六

武王作鬻。廣韻。初學記二十五。一切經音義十九。

宋均曰。鬻。武飾也。莊子釋文。

暴辛公作塤。蘇成公作簾。風俗通廣韻。

宋均曰。暴。圻內國。辛公。周平王時諸侯。作塤。有三孔。文選長笛賦注。○圻內國。據路史國名紀增。為塤久矣。此掌其官也。通典樂部。蘇

成公。平王時諸侯。造簾。吹孔有觜如酸棗。北堂書鈔。太平御覽五百八十。簾以竹為之。長尺四寸。有八孔。後漢書顯宗紀注。

秦穆公作沐。太平御覽三百九十五。

魯昭公作璽。五代史。

魯昭公作弁。事物紀原三。

宋均曰：制素弁也。太平御覽六  
百八十六。

公輸般作磬。廣韻○漢書張衡傳注引云：公輸作石  
磬。一切經音義十四引作輸班作磬。

公叔文子作輓軸。北堂書鈔  
唐類函。

韓哀作御。漢書王褒  
傳應劭注。

宋衷曰：韓哀、韓文侯也。時已有御，此復言作者，加其精巧也。漢書王褒傳顏師古注。文  
選王子淵聖主得賢臣頌注。

棋案韓哀、呂氏春秋作寒哀，與幾和伯益史皇乘雅同列並稱，蓋虞夏時人寒君伯明之族也。古文韓寒通，故世本作韓哀。宋氏以爲韓文侯，古無此說。史記韓世家云：文侯生哀侯，是文與哀乃父子也。宋隱謂紀年無文侯，豈文與哀果如仲子說耶。至謂復言作者，加其精巧，此可爲讀世本之法，知此意則通無滯礙矣。

### 右三王時制作

世 本 下



# 雷氏世本考證

## 帝繫

少典生軒轅。是爲黃帝。

史五帝紀索隱引孫氏注。號有熊者。以其本是有熊國君之子故也。都軒轅之邱。因以爲名。又以爲號。按此注。雷氏失載。

宋衷曰。元囂青陽。是爲少昊。繼黃帝立者。高辛。地名。因以爲號。譽名也。

按史記五帝紀索隱。凡三引宋衷注。一曰元囂青陽。卽少昊也。一曰元囂青陽。

是爲少昊。繼黃帝立者。而史不敘。蓋少昊金德王。非五運之次。故敘五帝不數之也。一曰高辛。地名。因以爲號。譽名也。三代世表索隱引同。無而史不敘四字。雷氏斷而史不敘以下。爲小司馬之辭。而不錄。非也。

黃帝生昌意。昌意生高陽。是爲帝顓頊。

山海經郭注引黃帝生昌意。昌意生顓頊。玉篇顓注引昌意生高陽。是爲帝顓頊。顓頊者。專也。頊者。正也。言能專正天之道也。按顓頊者。下當是世本文。

顓頊生

窮蟬。五世而生瞽叟。瞽叟生重華。是爲帝舜。

舜典正義引帝繫云。顓頊生窮蟬。窮蟬生敬康。敬康生句芒。句芒生蟠牛。蟠牛生瞽叟。瞽叟生舜。按此與戴記帝繫篇異。當是世本文。史五帝紀。顓頊生

子曰窮蟬。索隱世本作窮係。宋衷云。一云窮係。謚也。三代世表索隱引同。按此宋衷本當作窮係。或孔穎達所見本異耳。

鯀生高密。是爲禹。

按玉篇引禹下有也字。路史無。○書序正義引帝繫云。禹名文命。按正義前引世本帝繫大戴禮五帝德。此帝繫當是世本文。

顓頊生稱。稱生卷章。卷草生黎。路史後紀注引。稱作稱。

黃帝娶于西陵氏之子。謂之纁祖。生青陽及昌意。按山海經注引。生作產。廣韻注引。作黃帝娶西陵氏女爲妃。名纁祖。

昌意娶于濁山氏之子。謂之昌僕。生顓頊。按山海經注引。作顓頊母濁山氏之子。名昌僕。此當是大戴禮文。

老童娶于根水氏。謂之驕福。按路史後紀注引。根水作根水。元和姓纂引。老童娶安是女。

陸終娶于鬼方氏之妹。謂之女嬪。是生六子。孕而不育。三年。啓其左脅。三人出焉。破其右脅。三人出焉。按水

經注。嬪作嬪。無而不育三字。史楚世家。路史後紀。引作女嬪。

陸終六子。史記楚世家。其長一曰昆吾。集解引。昆吾者。衛是也。索隱引。其一曰樊。是爲昆吾。宋忠曰。昆吾國名。已姓所出。左傳曰。衛侯夢見披髮登昆吾之觀。今濮陽城中有昆吾臺。二曰參胡。集解引。參胡者。韓是也。索隱引。二曰惠連。是爲參胡。宋忠曰。參

胡國名。斯姓。無後。三曰彭祖。集解引。彭祖者。彭城是也。索隱引。三曰錢鏗。是爲彭祖。四曰會人。集解引。會人者。鄭是也。索隱引。四曰求言。是爲郟人。宋忠曰。求言名也。嬪姓所出。郟國也。五曰曹姓。集解引。曹姓者。邾是也。索隱引。其五曰安。是爲曹姓。宋忠曰。安名也。曹姓者。諸

曹所出也。六曰季連。索隱引。六曰季連。是爲芊姓。季連者。楚是也。宋忠曰。季連名也。芊姓。諸楚所出。楚之先。芊音彌。是反。芊羊聲也。按雷氏因左脅有脅之文。以三子相次。恐不足據。又諸家引世本。皆斷至楚之先而止。按下二語。亦是宋忠注文。殷本紀。曹圍卒。正義。圍音



語出系本是世本有音之證

○求言水經注引作萊音

帝譽四妃。按史外戚世家索隱引姜嫄作姜原詩生民正義引大戴帝繫篇云世本文亦然陳鄴作陳鋒次妃嫫姆氏作下妃嫫姆氏

堯娶于散宜氏之子謂之女皇。路史後紀引女皇生丹朱

舜娶于帝堯謂之女瑩。路史後紀注引配以盲婦以替又引盲卽娥皇字娥嫫替卽女英按盲卽娥皇下似注文又藝文類聚六十七引舜時西王母獻白環及玦文選景福殿賦注引同玦作佩

禹娶塗山氏之子謂之女媧是生啓。路史後紀注引禹娶于塗山氏曰后媧按殷本史正義引作女媧

### 王侯

開甲。書盤庚正義引世本紀云祖乙崩子祖辛立崩子開甲立崩弟祖丁立崩開甲之子南庚立崩祖丁子陽甲立崩弟盤庚立按世本有本紀見穀梁襄二十五年疏左襄二十一年正義引世本記記紀同也書正義所引與殷本紀異又開甲史作沃甲索隱云世本作開甲也正義此上當以通盤庚故十絕句斷此引爲世本紀文

盤庚崩弟小辛立崩子武丁立。書說命正義引盤庚崩弟小辛立崩弟小乙立崩子武丁立按武丁是小乙之子與殷本紀合書序正義引失小乙一世

祖辛。御覽百三十五引。紂伐有蘇。有蘇人以姐己女焉。紂愛姐己。姐己之言是從。武王殺之。斬以元戈。懸之小白旗。按此引未審是篇內文否。附著祖辛下。

孝王崩。懿王太子變立。是為夷王。按詩民勞正義引作孝王生夷王。夷王生厲王。與史表不合。當以禮疏為得。

鄭生頃王巨。穀梁襄十五年。劉夏逆王后于齊。疏云。案世本本紀。當頃王也。則世本有此文可知。附著頃王下。

魯哀公十九年周敬王崩。哀公二十年是定王介子元王赤立。按左哀十九年疏。敬王崩在此年。世本亦爾。又云六國年表起自元王。乃本紀皆云元王八年崩。子

定王介立。定王元年。是魯哀公之二十七年。世本云。魯哀公二十年。是定王介崩。子元王赤立。則定王之崩年。是魯哀二十七年也。按此則世本文當作二十七年。茲作二十年者。轉寫脫也。

宋衷曰。威烈王葬洛陽城中東北隅。王赧諡曰西周武公。史周紀集解宋忠曰。威烈王葬洛陽城中東北隅也。六國表周赧王。索隱宋忠曰。赧諡也。周紀周君王赧卒。集解宋

忠曰。諡曰西周武公。

獻公山。按史索隱無明引世本文。若據宋注。當於獻公上標胡公一世。

曹世。按左桓五年疏引。曹國伯爵。穀梁昭十四年注。曹叔振鐸。文王之子。武王封之于曹。疏云。曹是文王之子。封于曹者。世本文。據此當列叔振鐸一世。曹國伯爵。不知是此篇文否。

衛世。公羊三年注。天子新立衛公子留。疏云世本及史記並有其事。按史作公子黔牟。則作留者。世本文也。

惠公立十八年。生成公及桓公。左襄六年正義。杞桓公是成公之弟。成公卒而桓公立。與史注合。

吳世。禮檀弓下注。夫差。吳子光之子。疏。世本及吳世家文也。

考烈王完。按楚世家。當作熊完。

桓子生文侯斯。按禮樂記正義。引駒生文侯斯。

惠王生襄王。按集解前引荀和之說。今案以下引世本折之。非荀和說也。雷氏以世本無襄王。下爲和嶠說。亦誤。

襄王名嗣。史蘇秦列傳魏襄王。索隱引惠王子名嗣。

昭王名遯。史范雎蔡澤列傳。索隱引。昭王名遯。襄王之子也。

懿侯。按六國表莊侯元。索隱。世家作懿侯。世本無名。

趙世。按魏世家趙敬侯初立索隱引敬侯名章。

卿大夫

召穆公康公之十六世孫。按此引宜列燕系。

孔子圻頂反首張面。路史仲尼圻頂反首張面四十有九表。堤眉谷竅參臂。駢脅腰大十圍長九尺有六寸。時謂長人。按雷引未備。

華父督戴公之孫好父說之子。左隱八年正義引宋督是戴公之孫好父說之子華父是督之字。

世子家生華孫御事華孫御事生華元右師。按今本作家生華孫御事。事生華元右師。

秀老生司徒鄭。按今本無秀字。

及合左師。超生左師眇。按原引合左師下有左師。即向戌也。句左師眇下有眇。即向巢也。魁是巢之弟。二句皆約舉世本文。

孝公生僖伯疆。左隱五年疏引僖伯名疆字子臧。孝公之子。

仲孫獲生南宮縉。孔子世家索隱引敬叔與懿子皆孟僖子之子。又禮檀弓疏引敬叔桓公七世孫惠伯是桓六世孫。

桓公生僖叔牙至武叔州仇。按論語疏引州仇叔牙六世孫叔孫不敢子也。

無逸生行父。詩魯頌正義行父是季友之孫故以季孫爲氏。死諡曰文子。左傳世本皆有其事。按當是約舉世本文。

莊仲山至耐步產微。按一本無山字。濡作豫。耐步作能陟。微作帶。

閔孟克。閔一本作閔。作閔。

齊臣系。田齊世家索隱莊子及鬼谷子亦云田成子殺齊君十二代而有齊國。今據世本世家自成子至王建之滅祇十代。

韓萬是曲沃桓叔之子至獻子厥。左桓二年疏引韓萬莊伯弟。

元與智氏同祖逝遯。按索隱引此下有故智氏亦稱荀句。

鄭臣系。鄭名世。姓氏書辨證引鄭穆公子喜字子罕。罕生子展舍之舍之生子皮虎。又引鄭穆公生子國發。發生子產。僑簡成子僑。生子思參。參生子玉珍。珍生子樂。卓顯莊子爲子國氏。

氏姓

許州向申姜姓也。按左隱二年疏引向姜姓。桓五年疏引州國姜姓。

鍾離嬴姓。按史伍子胥列傳索隱引作終犂嬴姓之國。

與秦同祖。按廣韻引作鍾離與秦祖其後因封爲姓。

郟允姓之國。按路史後紀又引允格允姓國。

莘國姒姓。按周本紀正義引莘國姒姓夏禹之後即散宜生等求有莘姜女獻紂者雷氏分載中間以言姓則在上言氏則在下二語未詳何義。

子姓殷時來宋空同黎比髦日夷蕭。按左襄十一年疏引宋子姓姓纂引北殷子姓。氏書辨證引北旄子姓北旄疑即比髦之異文。

鮮虞姬姓。按原引下有白狄也三字。

詹葛氏。按氏族略引作瞻葛氏。

古帝臣裔。姓氏書辨證引唐孫氏。祁姓。唐堯之後。其孫仕晉。自爲唐孫氏。按此與廣韻引不同。據姓氏諸書當是兩唐孫氏。又踪史後紀引宋衷曰。陽侯。伏犧之臣。蓋大江之神者。按當有陽氏。

曾氏。夏少康至去邑爲曾氏。按姓纂引。襄六年。莒滅之。作春秋時爲莒所滅。又太子上有鄒字。

右史氏。古者右史記事。周有右史武。按姓纂引。作古者右史。記事因氏焉。周右史成。

季隨氏。至季隨季駟之後。按姓纂引。季隨氏。周八士季隨之後。姓氏書辨證引。季駟氏。周八士季駟之後。

陳臣裔。按姓氏書辨證引。陳威公。生昭子。來將孫卑。爲讐子氏。又引陳威子。生石雞。自別爲子石氏。又引陳僖子。生子穆安。因爲子穆氏。又引陳烈子。生子沮。其後爲子沮氏。

右師氏。至爲右師因氏焉。按氏族略引。作宋莊公。生公子申。世爲右師氏。

楚大夫公朱高。出宋公子朱。按姓氏書辨證引。公朱氏。宋公子朱之後。

東鄉氏。宋東鄉爲人之後。按原引。宋下有大夫二字。姓氏書辨證引。無人字。

泥氏。宋大夫卑泥之後。按卑泥。姓氏書辨證引。作泥車。

宋臣裔。按姓纂引常壽氏。宋大夫景公時有常壽邦。又引宋司徒華定。甘士氏。周卿士甘平公為王卿士。後氏焉。

魯臣裔。按姓纂引孟僖子孫閱號南宮敬叔。叔生路。路生會。會生虔。為南宮氏。姓氏書辨證引公囊氏。魯大夫公囊昭。魯襄公太子子野之後。又引子士氏。魯叔孫成子生齊季。為子士氏。又引子寤氏。季平子生昭伯寤。其後為子寤氏。又引

子成氏。魯季平子生子成叔彭侯之後。

魯大夫齊季窺。昔齊子季奔楚。楚遂號齊季氏。按姓纂引齊襄公子季奔楚。因氏焉。魯有大夫齊季窺。

車遽氏。齊臨淄大夫車門遽。按姓氏書辨證引齊有臨淄大夫車遽氏。

子工氏。齊頃公之子。公子子工之後。按氏族略引如此。姓纂引作齊頃公子子公之後。

齊臣裔。按姓氏書辨證引齊頃公生子夏勝。以所居為雍門氏。又引公旗氏。齊威王時有左執法公旗。潘又引子襄氏。齊桓公子子襄之後。

將軍氏。至為將軍氏。按姓氏書辨證引衛靈公子鄂生父子彌牟為將軍氏。

司寇氏。至以官為氏。按原引下有司寇亥。即其裔也。七字。又姓纂引衛靈公子鄂子孫為司寇亥之後。



衛臣裔

按廣韻引公紀氏衛有大夫左公子洩右公子職姓纂引子郢氏衛公族昭子郢之後姓氏書辨證引作時子郢又姓氏書辨證引衛公族有羌師氏又引卷子氏衛文公後卷子子州氏焉

晉荀逝邀至為中行氏

按姓氏書辨證引仲行氏有仲行寅晉大夫有仲行氏

晉蒲邑大夫公佗世卿

按姓氏書辨證引公他氏有蒲邑大夫公他世卿其先以王父字為氏

楚大夫涉其帑

按姓氏書辨證引楚大夫有涉其氏春秋涉其帑是也

楚臣裔

按姓纂引有楚鳩氏姓氏書辨證引釐子氏出自釐子觀起之後楚大夫有釐子班又引楚公族子季氏

鄭大夫封父彌真

按原引真下有然字

鄭臣裔

按姓纂引馬師氏鄭穆公有馬師之官馬師頡馬師朔馬師黥姓氏書辨證引子游氏鄭穆公生子偃字子游之後又子孔氏鄭穆公生子喜字子孔之後又引子然氏鄭穆公子子然之後

居

路史後紀注引黃帝都涿鹿續漢書郡國志注引涿鹿在鼓城南按漢志引當是注文

禹都陽城。漢志引禹都陽城在大梁之南。按下五字疑是注文。

相土徙商邱。御覽引相土徙商邱本顛頊之虛。按下五字疑是注文。

懿王徙犬邱。御覽引懿王徙犬邱厲王淫亂出于彘。今河東永安是也。平王即位徙居洛邑。語所謂新邑也。按今河東七字語所謂六字疑是注文。餘皆世本文。

叔度居上蔡。水經汝水注引上蔡也。九江有下蔡。故稱上。按此疑是注文。

宋衷曰：械林與拾皆舊地名。按王應麟詩地里考引下有封桓公乃名為鄭七字。史曹世家索隱宋衷曰：濟陽定陶縣。按陽一本作陰。漢志濟陰郡定陶。顏注故曹國。周武王弟叔振鐸所封。後志濟陰下定陶。本曹國據

此作濟陰是。此注雷載曹系宜入居篇。

路史後紀注引錯叔繡封滕。史陳杞世家索隱宋衷曰：今沛國公邱是滕國也。此引雷載滕系按宜列居篇。

史陳杞世家集解引宋衷曰：杞今陳留雍縣故地。此注雷載杞系按宜列居篇。

中山武公居顧。桓公徙靈壽。按索隱原引下有為趙武靈王所滅七字。

燧人造火。按一切經音義引。造火者燧人。因以爲名。

伏犧造琴瑟。北堂書鈔引庖犧氏作瑟。瑟潔也。使人精潔于心。純一行也。山海經注引伏犧作琴。按孝經疏引疑是總舉文。

隨作笙。按風俗通引長四寸十二簧。像鳳之身。

王應麟急就章補注引神農和藥濟人。

初學記引黃帝見百物始穿井。

容成綜此六術著調麻。書舜典疏引。容成造麻。

宋衷曰。皆黃帝史官也。書舜典疏左傳序疏引。宋衷曰。大撓。黃帝史官。又引宋衷曰。容成。黃帝史官。文選西京賦注引宋衷曰。隸首。黃帝史也。

胡曹黃帝臣。按此亦宋衷注文。御覽胡曹作衣。宋衷曰。黃帝臣。路史後紀。胡曹作冕。宋衷曰。黃帝臣也。

夷牟作矢。按山海經引作牟夷。禮射義疏引作夷牟。

玉海一百十引夷作鼓。通典樂四引以桴擊之曰鼓。以手搖之曰鼗。按通典引疑是注文。

鬱苑卮言引。  
堯作圍棋。

鯨作城郭。意林引風俗通轉引鯨作城郭。城盛也。郭大也。按下六字疑是注文。

舜造簫。略史後紀引簫。舜所造。其形參差象鳳翼。十管長二尺。

事物紀原引。  
夏作贖刑。

臘作駕。  
相土作乘馬。按事物紀原引相土作乘馬。又引闕作駕。宋衷曰。皆黃帝臣。

夏臣昆吾者更增加也。按一切經音義引舜作陶。夏臣昆吾更增加也。

路史引。湯作五祀。事物紀原引。戶井竈中霽。行至周而七。曰門行厲。戶竈司命中霽。按事物紀原引疑是注文。

事類賦扇賦注  
引武王始作簫

宋均曰暴圻內國至有八孔。爾雅釋文引墳暴辛公所作也。圍五寸半。長三寸半。六孔也。又引籥蘇成公所  
作長一尺二寸。御覽引蘇成公作篥管樂十孔。長尺一寸。吹孔有嘴如酸棗。

公叔文子作輓軸。按北堂書鈔引注  
云文子公叔齊。